

摘藻堂四庫全書薈要

子部

欽定四庫全書薈要

子部

御定淵鑑類函卷一百

五四

臣紀昀詳校  
詳校官兵部主事臣雷純

欽定四庫全書薈要卷一萬一千五百五十二

子部

御定淵鑑類函卷一百四

設官部四十四

雜號將軍  
左右千牛

左右監門衛將軍  
諸校尉

雜號將軍一

歷代雜號將軍凡有數百  
不可具載今錄其著者



氏通典曰上

漢以呂祿騎漢武帝以公孫敖及  
為上將軍馬公孫賀並為騎將軍樓

船漢元封三年

橫海

漢元鼎六年以韓說  
為之擊東越有功

材官

漢李息  
為之掌

理宮

貳師

漢李廣利為之征貳師  
城取善馬故以為號

輕車

漢武帝以公  
孫賀為之

波

漢武帝征南越始置此號以路博德為之後漢馬  
援亦為之伏波者船涉江海欲使波浪之伏息

中

軍

漢武帝以公孫敖為之

強弩

漢武帝以李沮為之

戈船

環氏要略云建戈於船上浮渡沮水

奮威

漢武帝以田千秋為之

度遼

漢武帝初以范明友為度遼將軍後漢明帝永平八年又置屯

五原銀印青綬

種暁字景伯為度遼將軍誠心懷撫信賞公明乃去烽燧斥堠邊方宴然及卒匈奴舉國傷

惜單于每入朝賀見墳輒哭泣祭祀

又李膺為度遼將軍聲振遠域

積射

漢有之晉武帝泰始四年

省太康十五年立射營弩

建威

漢元帝以韓安國王宴並為之光武以耿弇為

之

九武

王莽拜將軍九人皆以武威稱號曰九武將軍

征鹵

後漢建武中始以祭遵為之後張飛

亦為

武牙

後漢光武以蓋延為之

橫野

後漢光武以王常為橫野大將軍

捕鹵

後漢

永平中馬武為之

鷹揚

後漢建安中魏武以曹洪為之

討逆

後漢末以孫策為之

破鹵

後漢

末以孫討鹵

後漢末以孫權為之

安漢

蜀廉竺為之班在

武威

魏武

聖為之

帝以于

禁為之

撫軍

魏武帝置以司馬宣王為之

凌江

後漢置以羅獻為之

寧朔

魏以王渾

為橫江

吳魯肅為之又曰魯橫江昔仗萬人屯橫據陸口

龍驤

晉武帝置以王濬為之

殿

中

宋初

黑稍

後魏于栗磾好持黑稍以自衛劉裕遙見題書與之曰黑稍公麾下明帝因授黑稍

將

牙門將

冠服與將軍同魏文帝黃初中置明帝以胡烈為之又王隱晉書曰陸機少襲父為牙

門

將吳重武官故也晉惠帝特置四部牙門以汝南王祐為之蜀以趙雲為之

增宋書百官

志曰振威將軍

後漢初宋登為之

揚威將軍

魏

廣威將軍

魏

建

武將軍

魏

振武將軍

前漢末以王況為之

奮武將軍

後漢末呂布為之

揚

武將軍

光武建武中以馬成為之

廣武將軍

晉江左置

折衝將軍

漢建安中魏武

以樂進居之

揚烈將軍

建安中以假公孫淵

凌江將軍

魏置

自凌江以下

則有宣威明威驤威厲威威厲威寇威鹵威戎威武武  
烈武毅武奮綏遠綏綏邊綏戎討寇討鹵討難討彝蕩寇  
蕩鹵蕩難蕩逆殄寇殄鹵殄難埽彝埽寇埽鹵埽難埽  
逆厲武厲鋒虎威虎牙廣野橫野偏將軍裨將軍凡四  
十號其威鹵漢光武以馬浚居之橫野以耿純居之蕩  
寇漢建安中滿寵居之其餘或是後漢及魏所置今則

或置或不置皆無定員

雜號將軍二

伏波 奮威 貳師 橫野 建威  
鎮遠 偏將軍 討逆 揚烈

建義

京輔

立節

立義

立忠

盪寇

積射

果毅

中堅

奉義

材官

鄭州

威戎

明毅

南統

直閣

寧南

鎮國

宣德

孟津

樓船

虎牙

虎威

振威

仁威

宣威

威鹵

輔威

廣威

武威

威遠

綏遠

開遠

撫軍

征鹵

破鹵

討鹵

龍驤

度遠

寧朔

討寇

鎮武

宣武

揚武

信武

智武

建武

勇武

奮武

廣武

威武

振武

殿中

增自當一隊

兼領二曹

丹府元龜曰文聘為討逆將軍別屯沔口止石楚自當一

隊禦賊有功遷後將軍

又曰宿沓千拜虎威將軍侍

御卽賜爵漢安男轉中散遷給事兼領二曹從駕討和

龍以功賜奴

### 統許昌軍為虎牢將

又曰王基為荊州刺史揚烈將

婢七十戶

軍毋丘儉文欽作亂以基為行監軍假節統許昌軍

又曰奚烏侯為建義將軍從征蠕蠕及赫連昌以功進

爵城陽公加員外散騎

### 破關中營典南部事

又曰張宗

常侍出為虎牢鎮將

為京輔將軍將突騎與征西大將軍馮異共擊關中諸

營堡破之還河南都尉又曰後魏古弼太武時為立

節將軍進為侍中吏

### 捍禦北方經略東蕃

又曰周訪為揚

部尚書典南部事

烈將軍時華軼為江州刺史自以受維京所遣而為壽

春所督時雖京尚存不能祇承元帝敕命郡縣多諫之

軼不納時帝遣訪率衆屯彭澤以備軼訪過姑孰干寶

見而問之訪曰大府受命令屯彭澤彭澤江州西門也



華彥夏有憂天下之誠而不欲碌碌受人控御頃來紛紜粗有嫌隙今又無故以兵守其門將成其釁吾當屯潯陽故縣既在江西可以捍禦北方又無嫌於相逼也又曰唐韋待價為盧龍府果毅將軍時辛文陵率兵招慰高麗高麗襲擊敗之待價與薛仁貴受詔經略東蕃因救之文陵苦戰軍始獲全待價被流矢所中竟不言功

### 攻盤豆柵

### 討煮棗城

又曰陽雄為積射將軍從于謹攻盤豆柵復從李遠

經沙苑陣並力戰有功封安平縣侯加冠軍將軍又曰崔伯麟為中堅將軍冀州長史大乘賊起伯麟率州軍討之於煮棗城

### 龐德不跪

### 嚴季不降

又曰魏龐德為立義將軍為關羽所

得立而不跪羽謂曰卿兄在漢中我欲以卿為將不早降何為德罵遂為羽所殺又曰嚴季為軍校尉與劉渴侯同殿勢窮被執終不降屈後逃還除立節將軍

### 但見遠志

### 便如登仙

人曰

姜維初為奉義將軍先是馬謖敗於街亭諸葛亮拔將西縣千餘家及維等還維遂與母相失魏人使其母手書呼維令反并送當歸以譬之維報書曰良田百頃不計一畝但見遠志無有當歸人曰張光為材官將軍梁州刺史鎮漢中時賊王如餘黨大盛光嬰城固守憤激成疾佐吏咸勸光退據魏興光按劍曰吾受國厚恩不能翦除寇賊今得自死便如登仙何得退還也

### 生擒反賊

### 討平亂民

又曰

薛商為都督討秦州反賊支首生擒斬之除立忠將軍又曰奚斤為鄭州將軍循行州郡章武民劉牙聚黨為亂斤

### 蜀境悉平

### 齊眾大潰

又曰樊猛為威戎將軍梁南安侯蕭方矩

為湘州刺史以猛為司馬會武陵王蕭紀舉兵方矩遣猛率湘郢之卒拒之猛擒斬紀父子等撫定梁益蜀境悉平又曰蕭摩訶隨都督吳明徹濟江攻秦郡以功授明毅將軍又隨明徹進軍呂梁與齊人大戰摩訶率

七騎先入齊衆大潰以功授持節武毅將軍

縛筏積柴

騰騎奮矛

又曰奚康

生從駕鍾離駕旋濟淮五將未渡梁衆據渚邀津路孝文敕曰能破中渚者以為直閣將軍康生時為軍主應募縛筏積柴因風燒其船艦遂假直閣將軍又曰奚康生為中堅將軍討吐京叛寇辛支追至車突谷康生詐墜馬敵謂死爭取之康生騰騎奮矛殺數十人敵遂奔北攻破郁成遂平赫連

又曰漢李廣利為貳師將軍伐大宛分拔尉王申生等軍別至郁成郁成城守不肯給食攻殺申生等貳師令上官桀往攻破郁成郁成降又曰長孫道生明元初為南統將軍世祖時征蠕蠕大提而還太武征赫連昌為前驅遂

常為軍鋒獨共對戰

又曰馬武為振威將軍從擊尤來五

平其國

幡等敗於慎水武獨殿還陷陣故賊不得迫及進次小廣陽武常為軍鋒力戰無前諸將隨之故遂破賊又

曰呂布為奮威將軍殺董卓將李傕郭汜等攻長安  
城布開城門將兵就汜言且却兵但身沒勝負汜布乃  
獨共對戰布以矛刺中汜  
汜後騎追前救汜遂兩罷  
大破氐羌 赴援關隴 又

呂羅漢為建威將軍秦益二州刺史大破仇池氐羌  
又曰宇文延為建威將軍赴援關隴有戰功除員外散

騎常侍

不畜貲產

未嘗解甲

又曰祖逖為奮威將軍  
豫州刺史逖獲駿馬蓬

阪塢主陳川將李頭甚欲之逖知其意遂與之克已務  
施不畜貲產 又曰杜稜為仁威將軍高祖東征杜龕

留稜居守綏撫士

卞敦討沔

慧紀征蜀

又曰卞敦  
為振威將

卒未嘗解甲帶

軍領江夏相成夏口敦攻討沔中皆平 又曰陳慧紀

為明威將軍副司空章昭達征安蜀城為水軍都督於

荊州燒青泥船艦

李龍大敗

湛之奔逃

又曰祖逖  
為奮威將

以功除宣遠將軍

軍豫州刺史率衆伐陳川石季龍救川逖設奇擊之季龍大敗又曰沈靈寵為建威將軍時殷琰與晉安王子勛反晉熙太守閻湛之據郡同逆詔靈寵攻之湛之未知得陽已敗固守不降靈寵乃取諸將破劉順文書置車中攻城偽敗棄車而走

### 臧宮大會胡質輕軍

港之得書大駭其夜奔逃又曰臧宮為輔威將軍將兵至中廬屯駱越越人謀叛從蜀宮力不能制會屬縣送委輸車數百乘至宮夜使鋸斷城門限令車聲回轉出入至旦越人聞車聲不絕而門限斷相告以漢兵大至其渠帥乃奉牛酒以勞軍宮陳兵大會饗賜慰納之又曰魏胡質為荊州刺史振威將軍吳將朱然圍樊城質輕軍赴之勒兵臨圍城中乃安

### 頻興義兵屢經苦戰

又曰周玘為建威將軍三定江南元帝嘉其勲

封烏程縣侯又以玘頻興義兵勲誠並茂乃以陽羨等別為義興郡以彰其功又曰甘卓為揚威將軍歷陽

內史討周馥征杜欽屢經苦

受學儒生 好樂墳典

戰多所擒獲進爵南鄉侯

又曰孫奭為揚威將軍領江夏太守奭受學儒生復命

部曲子弟就業後仕進者數十人 又曰孫瑜為奮威

將軍領丹陽太守濟陰人馬普篤學好古瑜厚禮之是

時諸將皆以軍務為事瑜好樂墳典雖在戎旅誦聲不

絕 撫導新邦 禁勒所統 又曰于栗磾為鎮遠將軍

威惠 又曰盧度世為鎮遠將軍齊州刺史州接

邊境將士數相侵掠度世禁勒所統二境以寧 更

拜輔吳 累遷散騎 又曰張昭為綏遠將軍以老病上

班亞三司 又曰司馬申為開遠將軍王僧辯討陸納

申在軍中賊眾奄至申躬蔽僧辯蒙楯而前賊退除散

騎侍即至高祖時累

還員外散騎常侍

特加四階 手賜百段 又曰楊

侃為右

將軍岐州刺史時元顥內逼莊帝詔以本官假撫軍將軍為都督率衆鎮大梁未發詔行北中郎將帝至建州叙行從功臣自城陽王徽以下凡十人並增三階以侃河梁之誠特加四階侃固辭久乃見許又曰李平孝明時為撫軍將軍時南徐州表云梁蕭衍堰淮水日為患詔公卿議之平以為不假兵力終自毀壞及淮堰破霸太后大悅引羣臣入宴救平前坐孝明手賜縑布百段

### 平鑒竭忠

### 柳檜守節

又曰平鑒仕魏孝昌末為爾朱榮撫軍神武謂鑒曰日者皇綱中弛公已早竭忠誠今爾朱披猖又能去逆從善即啓授征西懷州刺史又曰柳檜為撫軍將軍魏興華陽二郡守黃衆寶等圍檜郡力屈被獲衆寶等圍東梁州縛檜置城下欲令誘說城中檜大呼曰羣賊糧食已罄行即退散衆寶大怒乃臨檜以兵曰速更汝辭不爾便就戮矣檜守節不變遂害之

### 盡得死力

### 悉遣精兵

又曰閭度為撫軍將

欽定四庫全書

御定四庫全書  
卷一百四

軍善於撫綏士卒故盡得其死力 又曰柳元景為領  
軍將軍孝武時魯爽反遣王元謨討之加元景撫軍假  
節置佐臧質義宣並反元謨夾江為壘質攻陷元謨西  
壘元景悉遣精兵助元謨以羸弱居守多張旗幟望之  
如數萬人皆曰京師兵  
至衆心乃安由是克捷

鑿渠注澤

揮刀入城

又曰

黃為撫軍將軍宣武時梁武遣將康絢於浮山堰淮以  
灌揚徐除寶黃都督東討諸軍事堰成淮水濫溢將為  
揚徐之患寶黃於堰上流更鑿新渠引導注淮澤水乃  
小減 又曰揚津為撫軍將軍北道大都督始津受命  
出據靈丘賊帥鮮于修禮起兵博陵定州危急迴師南  
赴始至城下營壘未立而州軍新敗津欲移軍入城刺  
史元回稱賊既逼城閉門不納津揮刀欲  
斬門者軍乃得入城賊至見柵空而去

戰千秋門

破曲沃堡

又曰寶熾初為撫軍將軍從魏孝武西遷  
仍與其兄善至城下與高金龍戰於千秋



門敗之帝賜熾及善駿馬各二匹加衛將軍 又曰源  
子雍為散騎常侍使持節假撫軍將軍都督兼行臺尚  
書破賊帥紇單步胡提於曲沃堡  
孝明墮書勞勉復除中軍將軍

### 閉營固守 伺隙

襲擊

又曰王霸建武四年為偏將軍與馬武東討周建  
於垂惠蘇茂將兵救建先遣精騎遮擊馬武軍糧

武往救為茂所敗武軍奔霸營求救霸閉營固守示不  
相援茂建果出攻武合戰良久霸乃開營後出精騎襲  
其背茂建前後受敵驚亂敗走 又曰呂蒙為偏將軍  
領尋陽令魏使廬江謝奇為蘄春典農屯皖田鄉數為  
邊寇蒙使人誘之不從則伺隙襲

### 性度恢廓 言辭

擊奇

遂縮退其部伍皆詣蒙降

切直

又曰吳周瑜為偏將軍性度恢廓程普以年長數  
凌侮之瑜終不與較普後自敬服謂人曰與周公

瑾交若飲醇醪不覺自醉 又曰顧悌為偏將軍大帝  
末悌數與驃騎將軍朱據共陳禍福言辭切直朝廷憚

之

凌統恭敬

朱才精敏

又曰吳凌統餘杭人爲偏將軍過本縣步入寺門見

長史懷三版恭敬盡禮親舊故人恩意甚隆又曰吳

朱才爲偏將軍爲人精敏又學兵法名聲聞於遠近

手執抱鼓

刀斷兩紖

又曰呂蒙爲偏將軍曹操遣朱光屯皖大開稻田蒙曰皖

田肥美若一收熟彼衆必增宜早除之於是權親征皖

蒙薦甘寧爲外城都督督攻在前蒙以精銳繼之手執

抱鼓破之

又曰吳董襲爲偏將軍討黃祖祖橫兩蒙

衝挾守沔口以拼閭大紖繫石爲礮上有千人以弩交

射軍不得前襲與凌統各將敢死百人人被兩鎧乘大

舸船突入蒙衝襲身以刀斷兩紖蒙衝乃橫流大兵遂

進祖開

留爲後拒

召爲先鋒

又曰張宗爲偏將軍徙鄧禹西征到桐邑

赤眉且至禹欲引師進就堅城而衆人憚爲後拒禹乃

書諸將名於竹簡亂著筭中令各探之宗獨不肯探曰

死生有命張宗宣辭難就逸乎禹曰將軍有親弱在營奈何不顧宗曰愚聞萬夫致死可以橫行宗今擁兵數千何遽其必敗乎遂留爲後拒又曰夏侯霸淵之子爲蜀所害常欲報蜀黃初中爲偏將軍子午之役霸召見爲前鋒安營在曲谷中蜀人望知其是霸也指下兵攻之霸手戰虎角間賴救至然後解

潘璋

便馳

王平徐合

又曰潘璋爲將討山賊有功署別部司馬合肥之役諸將不備璋便馳進

兵皆還戰權甚壯之拜爲偏將軍又曰王平爲裨將軍屬馬謖先鋒謖敗於街亭衆盡星散惟平所領鳴鼓自持魏將張郃疑其有伏不敢逼於是平徐徐收合諸營遺卒而還

攻營略地

斬將

寨旂

又曰丁綝爲偏將軍從光武征伐綝將兵先渡河移檄郡國攻營略地下河南陳留潁川二十一縣

又曰丁奉以驍勇屬甘寧陸遜潘璋等數遣征伐戰鬪常冠軍每能斬將寨旂還偏將軍

解白

馬圍

度鹿兒嶺

又曰關羽爲偏將軍袁紹遣顏良攻劉延於白馬曹操使張遼及羽擊之

羽望見良麾蓋策馬刺良於萬衆之中斬其首還紹諸將莫能當者遂解白馬圍獻徵錄曰明李文忠爲偏

將軍副常遇春北征由遵化度鹿兒嶺次大寧元將也速速戰一鼓敗之追至灤河連戰斬其將昂住進克上

都勒兵截江入郭沈船冊府元龜曰趙雲爲偏將軍先主入益州雲領留營

司馬權聞先主西征遣舟迎妹孫夫人欲將後主還吳雲與張飛勒兵截江乃得後主還又曰張孝岷爲偏

將軍武德中以勁卒百人襲王世充汜水城入其郭郭沈其米船一百五十餘艘世號金紫

求領戎行

宋書曰征南將軍世號金紫將軍續晉陽秋曰謝混字叔源求領戎行拜征南將

軍擊夏侯淵斬高法援冊府元龜曰黃忠拜討南將軍於漢中定軍山擊夏

侯淵淵衆甚精忠摧鋒必進一戰斬淵 又曰韓顯宗  
爲征鹵將軍孝文南伐顯宗統軍次赭陽南齊戍主成

公期遣高法援等來擊軍營顯  
宗親率拒戰遂斬法援首級

王渾潛濟 裴寬夜

緇 又曰王渾爲征鹵將軍豫州刺史吳將魯淑向弋陽  
薛瑩向新息時渾衆裁一旅浮淮潛濟出其不意遂

擊破之 又曰西魏裴寬爲征鹵將軍與東魏將彭樂

尙戰被擒齊文襄加厚禮遇寬乃裁所臥氍毹夜緇而出

遁還見太祖太祖曰裴寬冒死

歸我雖竹帛所載何以加之

韋袴布被 茅齋斧

木 又曰祭遵爲征鹵將軍所得賞賜輒與吏士身衣韋  
袴布被夫人裳不加緣帝以是重焉 又曰劉善明

爲征鹵將軍質素不好聲

移家京邑 固節危城 又

色所居茅齋斧木而已

沈林子爲征鹵將軍旣破慕容超而盧循奄至時皆議  
遠徙唯林子請移家京邑高祖善之 又曰辛纂爲征

南將軍費穆言於莊帝稱纂固節危城宜蒙爵賞以勸將來帝下詔慰勉之

### 厚養將士

不擊老弱

又曰鮑信爲破鹵將軍厚養將士居無餘財士以此歸之又曰孫皎爲征鹵將軍督夏

口兵下令曰今所欲誅者曹氏其百姓何罪自今以往不得擊其老弱

### 夜分捕魚掘

食野鼠

又曰陶侃爲龍驤將軍武昌太守元帝令擊杜寂時周顗爲荊州刺史先鎮淶水城賊掠其良

口侃使部將朱伺救之賊退保泠口侃謂諸將曰此賊必更步向武昌吾宜還城晝夜三日行可至卿等誰能忍飢鬪邪部將吳寄曰要欲十日忍飢晝當擊賊夜分捕魚足以相濟侃曰卿健將也賊果增兵來攻侃使朱伺等逆擊大破之又曰郝鑒爲龍驤將軍兖州刺史鎮鄒山時荀藩用李述劉琨用兄子演並爲兖州各屯一郡又徐龕石勒左右交侵百姓饑饉或掘野鼠蟄燕而食之終無叛者

### 順流鼓棹棄

船登岸

晉書曰王濬爲龍驤將軍武帝太康元年濬發

流鼓棹徑造三山孫皓遣游擊將軍張象率舟師萬人

禦濬象軍望旗而降宋書曰王鎮惡行龍驤將軍西

伐姚泓率水軍自河入渭直至渭橋棄舟登岸身先士

卒即陷長安城於灞上奉迎帝勞之曰成吾霸業者卿

也

顏覽文史

自稱鄙人

冊府元龜曰李元護初仕南齊龍驤將軍雖以將用

自達然顏覽文史習於簡牘又曰宋蒯恩行參軍龍

驤將軍時高祖北伐留恩侍衛世子命朝士與之交恩

益自謙遜與人語常呼

王貢來降

杜性內附

又曰陶侃

爲龍驤將軍征杜弢弢將王貢挑戰侃遙謂之曰杜弢

爲益州刺史盜用庫錢父死不奔喪卿本佳人何爲隨

之天下寧有白頭賊乎貢初橫腳馬上侃言訖貢歛容

下脚辭色甚順侃知其可動復令諭之截髮爲信貢遂

來降 又曰刁遵爲龍驤將軍雒州刺史遵招誘  
有方梁新化太守杜性等率戶三千據地內附

羣

氏震懼

彝人感附

又曰劉藻爲龍驤將軍雍城鎮將  
先是氏豪徐成等驅逐鎮將藻至

鎮擒獲徐成等斬之以徇羣氏震懼

又曰崔敬邕爲

龍驤將軍管州刺史庫莫奚國有馬百匹因風入境敬

邕悉送還於  
是彝人感附

奮稍接戰

引弓反射

又曰宋益龍符  
爲龍驤將軍廣

川太守高祖伐慕容超令龍符爲前鋒達臨朐與賊爭

水龍符單騎衝突即據水源賊退走龍符乘勝奔之賊

數千騎圍攻龍符奮稍接戰每一合輒殺數人 又曰

段韶加龍驤將軍神武爲西魏將賀拔勝軍所逼韶引

弓反射斃其前驅西魏軍

退賜馬并金進爵爲公

置陣堅嚴

隨宜翦定

又曰

宋蒯思爲龍驤將軍高祖伐魯宗之思與徐達之前進  
達之敗沒思陳於堤下宗之子軌乘勝擊思矢下如雨



恩整厲將士置陣堅嚴軌屢衝之不動及退高祖善其能將

又曰劉勔爲西陽王子尚撫軍先是遣費沈伐

陳檀不克乃除勔爲龍驤將軍既至進討隨宜翦定

博通書記

兼優才畧

又曰

耿弇弟子秉博通書記歷征西度遼將軍

又曰皇甫

規爲度遼將軍上書薦張奐以自代曰伏見中郎將張

奐才略兼優宜正元帥

招降右賢

慰納左部

又曰馮緄

爲度遼將軍詔緄招降叛酋於是右賢王部抑鞬等萬

三千口詣緄降

又曰龐奮爲雁門太守行度遼將軍

和帝時南匈奴亂分爲左右二部

進封大梁

累遷

後左部自相疑畔奮迎受慰納之

特進

又曰盧欽爲淮北都督伏波將軍甚有聲績徵拜

散騎常侍吏部尚書進封大梁侯

又曰庾亮盛

爲伏波將軍每從神武征討

以功封行唐縣伯累遷特進

閉門自守

隔水相對

入曰魏陳登爲伏波將軍孫策遣軍攻登於匡琦城登閉門自守示弱不與戰乃申令將士宿整兵器昧爽開門擊破之又曰滿寵爲伏波將軍屯新野大軍南征到精湖寵帥諸軍與賊隔水相對寵敕諸將曰今夕風甚猛賊必來燒軍宜爲備賊果夜來燒寵掩擊破之

### 穿渠利民

### 具船濟師

又曰

馬援爲伏波將軍討交趾嶠南悉平所過爲郡縣治城郭穿渠灌漑以利其民又曰楊擗仕魏孝莊時爲伏

波將軍元顥入雒帝往就余朱榮詔擗率其宗人收船至馬渚擗未至帝已北度太行擗遂匿所收不以資敵

及余朱榮奉命南討至馬

### 檀韶先登

### 庾域固守

又曰

宋檀韶爲寧朔將軍從征廣固率向彌胡蕃等五千人攻臨朐城克之及圍廣固城陷之日韶率所鎮先登

入曰庾域爲寧朔將軍巴西梓潼二郡太守魏兵進襲巴西域固守百餘日魏軍退韶增封二百戶

### 揮

戈先入 齋屐夾射

又曰傅永爲寧朔將軍中山王英之征義陽統軍當長圍遏其南門

梁將馬仙琕連營稍進規解城圍永自將步軍南逆仙

琕探甲揮戈單騎先入賊射永左股永拔箭復入遂大

破之 又曰顧彬之爲寧朔將軍世祖入討劭彬之受

竟陵王誕節度誕遣劉季之與彬之并勢劭遣華歆等

東討與彬之弟相逢於奔牛塘路甚狹左右悉入荻

葑彬之軍人多齋籃屐於葑中夾射之欽等大敗

堅守不動 中陣而立

又曰王平爲討寇將軍諸葛亮圖祁山平別守南圍魏大將軍

司馬懿攻亮張郃攻平平堅守不動郃不能克 又曰

張遼爲盪寇將軍時荊州未定遣遼屯長社臨發軍中

有謀反者夜驚亂起火一軍盡擾遼曰勿動是不一營

盡反必有造變者耳乃令不反者安坐遼將親兵數十

人中陣而立有頃定

即得首謀者殺之

桓沖謙虛 呂溫才略

又曰桓沖爲鎮

武將軍性儉素謙虛愛士嘗浴後其妻送以新衣冲怒促令持去其妻復送之謂曰衣不經新何緣得故冲笑而服之 又曰呂溫有文武才略太武伐赫連昌以溫爲幢將先登陷陣每戰必捷以功拜宣武將軍

繕治障塞

自畫頓舍

又曰馬成爲揚武將軍屯常山中山以備北邊繕治障塞自西

河至渭橋河上至安邑太原至井陘中山至鄴皆築堡壁起烽燧迨徵還京師邊人多上書請者復遣成還也 又曰張齊爲信武將軍巴西梓潼二郡太守齊在益部累年討擊蠻獠身無寧歲其居軍中能親勞辱與士卒同勤苦自畫頓舍城壘皆委曲得其便爲物情所附蠻獠亦不敢犯

盡平江淮拓

定安蜀

又曰馬成拜揚武將軍擊李憲進圍于舒令諸軍各深溝高壘憲數挑戰成堅壁不出歲餘城

中食盡乃攻之遂屠舒盡平江淮地 又云魯廣達爲智武將軍已州刺史太建初與儀同章昭達入峽口拓

定安蜀  
等州鎮

穿岸直上

踰營而出

人曰胡藩為鎮軍將軍從高祖征司馬休

之加建武將軍徐達之敗沒高祖怒甚即日於馬頭岸渡江而江岸壁立休之臨岸置陣高祖呼藩令上藩有疑色高祖怒欲斬之藩曰藩寧前死爾以刀頭穿岸少容脚指於是直上賊不能當一時奔散又曰豆代田為內三郎從討赫連昌乘勝追賊入其營門門閉代田踰營而出太武壯之拜為勇武將軍略見

書傳

悉散寶物

又曰公孫項從涿郡盧植學於緱氏山中略見書傳後為奮武將軍遼東

太守

又曰王敦為廣武將軍初尚武帝女襄城公主後天下大亂敦悉以公主時侍婢百餘人配給將士金

銀寶物散之於

臧宮矯制

孝寬遣謀

又曰臧宮為輔威將軍討

眾單車還雄

公孫述征南大將軍岑彭使官將降卒五萬從涪水上平曲述將延岑盛兵於沅水時宮兵眾食少欲引還恐

爲所反會帝遣謁者將兵詣岑彭有馬七百匹宮矯制  
取以自益多張旗幟登山鼓譟岑不意漢軍卒至大震  
恐宮因擊大破之 又曰韋孝寬爲宣武將軍南充州  
刺史東魏將段琛堯傑復據宜陽遣其揚州刺史牛道  
恒煽誘邊民孝寬患之遣謀人訪獲道恒手迹令善學  
書者僞作與孝寬書論歸款意又爲落燼燒迹若火下  
書者還令謀人送之琛營琛得書  
果疑道恒其所經略皆不見用

### 何公勇力 係祖

挺身

元中記曰漢桓帝時出遊河上忽有一青牛從河

勇力

走往逆之手攬其右足牛見公反走還河按何公

名進

冊府元龜曰孟係祖爲殿中將軍大明二年後

魏侵

青冀孝武遣軍援之

### 原發騎擊匈奴 引兵征

係祖

戰於杜梁挺身入陣

高峻

漢書曰李廣利太初元年爲貳師將軍發屬國六  
千騎及郡國少年萬人擊匈奴 續漢書曰王常

字顏卿拜橫野大將軍位次  
九卿諸將絕席引兵征高峻

增王濬謀伐吳 符堅

應神夢

晉書羊祜傳吳時有童謡歌曰阿童復阿童銜

曰此必水軍有功但當思應其名者耳會益州刺史王  
濬徵爲大司農祜知其可任又小字阿童因留濬監益  
州諸軍事加龍驤將軍以伐吳 車穎奏書曰符堅與  
苻健西入關堅時年十二未有軍號健夢有天神遣使  
者朱衣武冠拜堅爲龍驤將軍後加此官以應神夢

穿池於營內 率舸出上

流 冊府元龜曰沈慶之爲建威將軍伐沔北諸山蠻命  
諸軍各穿池於營內以防蠻之火頃風甚蠻夜下山

人提一炬以燒營火至即以池水灌滅諸軍夾射蠻散  
走 又曰陶輿侃之兄子爲武威將軍侃與杜弢戰敗

賊以桔槔打沒官軍船艦輿率輕  
舸出其上流以擊之所向輒克

將兵詣曹公 引

軍會太祖

又曰李通爲振威將軍曹公操討張繡劉表遣兵助繡曹軍不利通將兵夜詣操操得復

戰通爲先登大破繡軍

又曰魏程昱爲振威將軍太祖討袁氏昱收得精兵數千人引軍與太祖會黎陽計

表譚表尚

陸抗赴壽春

譚尚破走

陸抗赴壽春

郗恢救洛陽

又曰陸抗爲奮威將軍魏

將諸葛誕舉壽春降拜抗柴桑督赴壽春破魏牙門將

偏將軍遷征北將軍

又曰郗恢爲建威將軍雍州刺

史時後秦姚萇遣其子略攻上雒恢遣

苟晞陷九壘

建武將軍辛恭靜救雒陽略懼而退

王舒監五郡

又曰苟晞爲北中侯范陽王虓承制用晞行兗州刺史汲桑之破鄴也東海王

越出次官渡命晞爲前鋒晞陷其九壘遂定鄴而還西

討呂朗等滅之進位撫軍假節都督青兗諸軍事又

曰王舒爲撫軍將軍會稽內史時蘇峻作逆舒監浙江

東郡軍事遣子允之擊賊韓晃於長蕩湖大破之以功



封彭澤縣侯

趙雲無纖介

劉羣有裁斷

人曰趙雲爲偏將軍伐趙範範

寡嫂樊氏有國色範欲以配雲雲辭曰相與同姓卿兄猶我兄固辭不許時有人勸雲納之雲曰範迫降耳心

未可測天下女不少遂不取範果逃走雲無纖介又曰劉羣琨之子隨父入晉陽遭逢寇亂數領偏將軍征

討性清慎有裁斷得士類歡心

臧宮得五節

朱異破七屯

又曰臧官爲偏

將軍從破羣賊數陷陣却敵後爲輔威將軍討公孫述於蜀前後收得節五印綬千八百又曰朱異爲偏將

軍時魏文欽營住六安多設七砦署諸道要以招誘亡叛異身率其部下掩破欽七屯遷揚武將軍

部

衆莫敢動

軍士皆願屬

又曰于禁爲偏將軍太祖恨朱靈欲奪其營以禁有威重

遣禁將數十騎齎令書徑詣靈營奪其軍靈及部衆莫敢動乃以靈爲禁部下督衆皆震服後漢書曰馮異

初隨光武爲偏將軍及破邯鄲乃更部分諸將各有配隸軍士皆言願屬大樹將軍光武以此多之敢

以私忘公 思避盈居損

冊府元龜曰李典爲破鹵將軍與張遼樂進屯合肥典遼

素不睦遼欲出戰恐其不從典曰此國家大事顧君計何如耳吾敢以私憾而忘公義乎乃率衆與遼破走吳軍又曰宋劉敬宣爲征鹵將軍時高祖討劉毅諸葛長民貽敬宣書曰盤龍自取屠滅世路方平富貴相與共之敬宣報曰下官忝三州七郡常懼福過禍生實思避盈居損富貴之旨非所敢當

酈惲作

文章 劉藻涉羣籍

又曰酈惲爲征鹵將軍所作文章頗行於世又曰劉藻爲征鹵將

軍涉獵羣籍

賜名馬乘車 假赤幢曲蓋

又曰劉鍾遷龍驤將

善與人交

軍高祖北伐留鍾居守荊州刺史劉道憐獻名馬三匹并精麗乘具高祖悉以賜鍾三子又曰陶侃爲江夏

太守加鷹揚將軍佩備威儀迎母官舍鄉里榮之元帝加佩奮威將軍假赤幢曲蓋軺車鼓吹頃之遷龍驤將

軍武昌

從征赫連昌力戰爾朱兆

又曰穆頭忠謹從太武征赫連

太守

昌勇冠一時爲龍驤將軍從太武畋於崢山有虎突出頭博而獲之太武歎曰詩所謂有力如虎頭乃過之又曰李景遺爲龍驤將軍力戰爾朱兆有功除使持節大都督左將軍進爵昌平郡公

傅永獻

再提法氈擒三將

又曰傅永爲豫州王肅建武將軍平南長史太和中南齊將裴叔業

率王茂先等來侵楚王成永適還州肅令永討之獲叔業傘扇鼓幕甲仗萬餘兩月之中遂獻再捷孝文嘉之

又曰陳黃法氈爲信武將軍高州刺史高祖時王琳遣李孝欽樊猛余孝頃攻周廸且謀取法氈法氈率兵

援廸擒孝頃等三將

大呼左軍至揚聲兗州上

又曰周訪爲振武將軍征

杜叡訪與賊隔水賊衆數倍自知力不能敵乃密遣人如樵採者而出於是結陣鳴鼓而來大呼曰左軍至士卒皆稱萬歲賊謂官軍至未曉而退訪曰賊必引退然當還掩人宜促渡水北旣斷橋而賊果至隔水不得進又曰王鎮惡爲鎮武將軍討劉毅晝夜兼行鎮惡進路揚聲劉兗州上穀謂爲信然不知見襲

周

訪距桔槔

宗慤製獅子

又曰周訪爲振武將軍征杜叡叡作桔槔打官軍船艦訪

作長岐振以距之桔槔不得爲害

又曰宗慤爲振武

將軍文帝時隨交州刺史檀和之討賊破之拔區粟城

入象浦林邑王范陽邁來拒以具裝被象士卒不能當

慤曰吾聞獅子威服百獸乃製其形與象相遇象果驚

奔逆克

周瑜破曹公

張遼擊孫權

又曰程普爲盪寇將軍與周瑜

破曹公於烏林又進攻南郡走曹仁拜裨將軍領江夏

太守又曰魏張遼爲盪寇將軍屯合肥吳孫權圍合

肥遼夜募士力戰吳人奪氣權乃引退  
遼率諸軍追擊幾獲權拜征東將軍

原徐晃駐陣

不動 張遼潰圍以出

魏志曰徐晃擊關羽振旅還摩陂太祖迎七里置酒大會時諸

軍皆集太祖按行諸營士卒咸離陣而觀獨晃營整齊諸將士駐陣不動太祖歎曰徐將軍可謂有周亞夫之風矣  
又曰張遼爲雜號將軍守合肥爲孫權所圍遼左右麾圍直前急擊圍開遼將麾下數十人得出餘衆號呼曰將軍棄我乎遼復還突圍拔出餘衆  
元讓不拘科制 休德留意

人物

入曰夏侯惇字元讓爲伏波將軍領尹如故使得以便宜從事不拘科制  
會稽典錄謝淵字休德

爲建武將軍雖在戎旅猶留意人物

增梁統會征隗囂 馮異合拒朱

有冊府元龜曰梁統爲宣德將軍與竇融等將兵會光武征隗囂敗封成義侯  
又曰馮異爲孟津將軍

統魏郡河內二郡軍河上與河內太守寇恂合勢以拒  
更始將朱鮪等異乃遣李軾書軾自此不復與異爭鋒  
故異得北攻天井關拔上黨南  
下河南成皋及諸屯聚皆平之  
留屯豫章梅嶺遂

定沛楚臨淮

又曰楊僕爲樓船將軍元鼎五年擊南粵  
閩粵持兩端及漢破番禺僕上書請引兵

擊東粵帝不許令諸較留屯豫章梅嶺待命

人曰蓋

延爲虎牙將軍南伐劉永與其將蘇茂戰於沛西大破

之遂定沛楚臨淮脩高  
祖廟置嗇夫祝宰樂人

丁綝願封本鄉

是儀固辭

不受

又曰丁綝字幼春潁川定陵人光武因略地潁陽  
以爲偏將軍建武元年拜河南太守及封功臣帝

令各言所樂諸將皆占豐邑美縣唯綝願封本鄉帝從  
之封定陵新安鄉侯又曰是儀爲裨將軍守侍中欲

復授兵儀自以  
非材固辭不受

路博德定九郡

馬文淵征五溪

又

路博德爲伏波將軍與樓船將軍楊僕討南粵遂定越地爲南海蒼梧等九郡

又曰馬援字文淵爲伏波將

軍征五溪夜與送者設謂平陵孟冀曰男兒要當卒於邊野以馬革裹屍何能臥牀上在兒女手中邪

後主爲之流涕

文帝嘉其忠節

又曰張嶷爲盪寇將軍魏狄道長李簡密

書請降衛將軍姜維率嶷等出隴西嶷初自越雋至成都風濕股疾扶杖然後能起時論以嶷疾不能在行中

嶷乃自乞肆力中原致身敵庭殺身以報後主慨然爲之流涕

又曰令狐整仕魏孝武時爲瓜州刺史東陽

王元榮主簿盪寇將軍及鄧彥據瓜州拒不受代整與開府張穆等密遣使者申徽執彥送京師周文帝嘉其

忠節表爲都督

原馬援朝見次九卿

呂布假節比三司

後漢

書曰馬援爲伏波將軍振旅還京師賜援兵車一乘朝見位次九卿

魏志曰呂布字奉先爲奮威將軍假節

比三司與司徒王允共秉政事

增選名家以參顧問 用才學以開

視聽

晉起居注曰殿中將軍武帝太元中募選名家以參顧問始用琅邪王茂之奏也 語林曰庾公與

郗公爲殿中將軍舊用才學之士以開視聽而頃悉用面牆之人也

雜號將軍三

強弩 輕車 橫江 周兵 宣猛 勝兵 顯武 軍師 信威

電威 曜武 武衛

增盪寇功也

冊府元龜曰張遼爲盪寇將軍從征袁尚於柳城卒遇敵遼勸太祖戰氣甚奮太祖

壯之自以所持麾授遼遂擊大破之太祖論諸將功曰登天山履峻險以取蘭成盪寇功也

將軍

策也

又曰陳俊爲強弩將軍光武與五較戰於安次五較退入漁陽俊言於光武曰宜令輕騎出賊前使



百姓各自堅守壁以絕其食可不戰而殄也光武然之賊至無所得遂散敗軍還光武謂俊曰因此寇者將軍策也後封

**素聞驍勇**

又曰龐德封都亭侯太祖定漢後爲列侯

**夙聞驍敢**

又曰垣詢之驍敢有氣力南郡王義宣反夙聞其名以副輔國將軍張東時張超首

行大逆亦領軍隸東詢之與東定謀遣信召超超不至改宿他所詢之所之殺其僕於牀因與東南奔時世祖

已即位以爲積射將軍

**不言生產**

又曰李廣累遷輕車將軍歷七郡太守前後四十餘年得

賞賜輒分其戲下家無餘財終不言生產事

**不務俗好**

又曰魯肅爲橫江將軍性方嚴內外

節儉不務俗好

**獨不受財**

又曰崔元伯爲周兵將軍時明元未立清河王紹聞人心不安大出

財帛班賜朝士元伯獨不受

**沒不奉命**

又曰陳沈恪仕梁爲宣猛將軍監吳興郡自吳興入

朝高祖受禪使劉師知引恪令勒兵入因衛梁敬帝如別宮恪乃入見高祖曰恪經事蕭家沒不奉命高祖嘉其意不復逼

**財物無入**

又曰于禁爲虎威將軍持軍嚴整得賊財物無所私入

**賞**

**賜無入**

人曰徐邈爲建威將軍破叛羌有功賞賜皆散將士無入家者

**太祖善之**

又曰

臧霸爲威鹵將軍從太祖征吳與張遼爲前鋒行遇霖雨將士皆不安遼欲去霸止之曰公明於利鈍寧肯捐吾等邪明日果有令遼至以語

**太武善之**

又曰伊馥爲振威將

太祖太祖善之拜揚威將軍

軍太武將討涼州議者咸言無水草惟崔浩勸行馥言於太武曰若涼州無水草何得爲國宜從浩言太武善之

**引歸示弱**

又曰耿弇爲建威大將軍討張步攻步臨淄拔之步與渠帥重異等至臨淄城

東將攻弇弇先與重異遇突騎欲縱弇恐挫其鋒令步不敢進曰示弱以盛其氣乃引歸小城步與弇將劉歆

等合戰奔視歆等鋒交乃自引精兵以橫突步陣大破之

**偃旗示弱**

又曰陳侯安都爲仁威將

軍都督南徐州諸軍事高祖東討杜龕安都留臺居守徐嗣徽等引齊寇入據石頭游騎至闕下安都閉門偃

旗示之以弱及

**多設旗鼓**

又曰賈逵爲建威將軍帝使督前將軍滿寵等四軍

夕賊收軍還

從西陽直向東關曹休從皖休戰敗權遣兵斷夾石諸將不知所出達兼道進軍多設旗鼓爲疑兵賊見達軍

遂退**多張旗幟**又曰劉敏爲揚威將軍與王平鎮漢中魏遣曹爽襲蜀時議者謂但守城不出

敵必自退敏以爲若聽敵入則大事去矣遂帥所領多張旗幟彌亘百餘里魏軍退以功封雲亭侯

**歸**

**者千戶**

又曰傅豎眼爲建武將軍討揚州賊破之仍鎮於合肥齊民歸之者千戶

**降者千**

**計**

又曰郝恢爲建威將軍雍州刺史鎮襄陽恢甚得關隴之和降附者動有千計

**滿寵力戰**

又曰滿寵爲奮威將軍從太祖征荊州還屯當陽復召爲汝南太守力戰有功復爲征東將軍

子春

力戰

又曰陰子春爲信威將軍梁泰二州刺史討侯景至貝碣與景遇子春力戰常冠諸軍

先

登陷陣

又曰閻虔邛山之戰先登陷陣拜撫軍將軍大都督進爵爲伯

先鋒陷敵

又曰

辛威魏文帝時拜寧遠將軍從擒竇泰復弘農戰沙苑並先鋒陷敵以前功授撫軍將軍銀青光祿大夫

給二千人

又曰陸績爲鬱林太守加偏將軍給軍二千人績既有寔疾又意在儒雅雖有軍事著述

不廢

著數千篇

又曰陸景爲偏將軍中夏督操身好學著數千篇

遣拒劉備

又曰李典爲裨將軍劉備北侵至葉太祖遣典從夏侯惇拒之簡一旦燒屯去惇追擊之典曰賊無故退疑必有伏南道窄狹草木深不可追也惇不聽追之典留守惇果戰不利典往救簡乃退

遣攻韓範

又曰徐晃爲偏將軍太祖圍鄴破邯鄲易陽令韓範僞以城降而拒守太祖遣晃攻之晃至飛矢城中爲陳成敗範乃降

### 凌統愛士

又曰吳凌統爲偏將軍統以山中人尚多壯悍可以威恩誘也大帝令東

占且討之命敕屬城凡統所求皆先給後聞統素愛士士亦慕焉得精兵萬餘人

### 程普喜士

又曰程普爲裨將軍吳主諸將普最年長時人皆呼程公性好施與喜士大夫

### 馮異引車

又曰

馮異爲偏將軍每敕力士非交戰受敵常行諸營之後相逢引車避由是無爭道變鬪

### 賀齊就

### 車

又曰賀齊爲偏將軍新都守累破盜賊被命詣所在及當還郡大帝出祖道作樂舞象賜齊輶車駿馬罷

坐住駕使齊就車齊辭不敢大帝使左右扶齊上車令導吏卒兵騎如在郡儀

### 討建平王

又曰

彭文之爲龍驤將軍以討建平王景素功封葛陽縣男食邑三百戶

### 攻竟陵王

又曰殷孝祖爲

旅賁中郎將加龍驤將軍竟陵王誕據廣陵爲逆孝祖攻誕有戰功

**徐淑有名**

又曰徐淑爲度

遼將軍有

**張奐有名**

又曰張奐爲度遼將軍有勲名董卓慕之使其兄遺謙百匹奐

名於邊

惡卓爲人

**百姓感悅**

又曰劉勔爲寧朔將軍會豫州刺史殷琰反假勔輔國將軍討

絕而不受

之及琰開門請降勔約束三軍士民秋毫無

**百姓安**

所失百姓感悅咸曰來蘇百姓生爲立碑

**之**

又曰趙逸爲寧朔將軍赤城鎮將綏和荒服十有餘年百姓安之

**不增丈彩**

又曰傳永

爲寧朔將軍中山王英之平義陽使司馬陸希道爲露版令永改之永不增丈彩直與之改陳列軍儀處置形

要而已英深賞之曰觀此經算

**不受寶物**

又曰周山圖爲寧朔

雖有金城湯池亦不能守矣

將軍淮南太守盜發桓溫冢大獲寶物

**進攻皆克**

又曰

客竊取以遺山圖山圖不受簿以還官

宋朱齡石爲寧朔將軍與下邳大宗劉鍾等同討譙縱師次彭模縱遣侯暉譙詵屯彭模夾岸連營衆未能攻齡石進攻皆克斬侯暉等縱乃出奔

### 銳攻必克

又曰宋劉鍾爲寧朔將軍領石頭戍事高祖遣

朱齡石伐蜀以鍾爲前鋒將至成都敵軍兩岸連營衆號三萬鍾於時脚疾不能行齡石乃詣鍾謀欲養銳伺隙鍾曰重軍卒至蜀人破膽盡銳攻之其勢必克齡石從之進攻陷其二城遂平成都

### 即日戒

嚴

又曰劉秀之爲寧朔將軍益州刺史南譙王義宣據荊州遣參軍王曜徵兵於秀之秀之即日斬曜戒嚴

遣中兵參軍韋

### 即日還都

又曰殷孝祖爲寧朔將軍督兗州諸軍事兗州刺史

山松萬人襲之

太宗初即位四方未定孝祖外甥葛僧韶建議銜命徵孝祖入朝帝遣之僧韶至孝祖具問朝廷消息僧韶陳兵甲精彊土土欲委以前驅之任孝祖即日棄妻子率文武二千人隨僧韶還都

### 預計華軼

又曰庾氷爲祕書郎預計華軼功封都鄉侯爲奮武將軍擊走蘇峻別帥張健乘勝又遣司馬滕含攻賊石頭城拔之氷

### 共討華軼

又曰趙誘爲廣武將軍與甘卓周訪共討華軼破之又攻滅杜弢累

功賜爵平

### 大破誕兵

又曰石苞爲奮武將軍統青州諸軍督逆擊諸葛誕兵大破之

阿縣侯

壽春平苞拜

### 大敗景軍

又曰徐世譜爲散騎常侍領水軍從司徒陸法和討侯景

鎮東將軍

大敗景軍以功除使持節

### 悉力苦戰

又曰陳周文育爲智武將軍文

爲信武將軍信州刺史

帝濟江襲會稽太守張彪得其郡城及帝爲彪所襲文

育時傾城北香巖寺帝夜往趨之因共立柵彪又來攻

文育悉力苦

### 結陣死戰

又曰周山圖爲振武將軍時鎮軍將軍張永征薛安都於

戰彪不能克

彭城山圖迎軍至武原爲寇騎所追山圖結

陣死戰突圍出無不拔靡衆呼爲武原將

### 北伐賞



奴婢

又曰張濟爲勝兵將軍從車駕北伐濟功居多賞賜奴婢百口

北征賜戎服

又曰

宇文福爲南征都將擊齊有功授顯武將軍尋除恢武將軍北征都將特賜戎服破蠕蠕別部斬獲萬餘

使畫工圖之

又曰柳仲禮爲電威將軍鎮襄陽西魏將賀拔勝來逼樊鄧仲禮出擊破之武帝思

見其面使畫工圖之

以寶劔賞之

又曰侯莫陳崇爲建威將軍從賀拔岳入關破万俟醜奴

崇與輕騎逐北至涇州長坑及之生擒

呂蒙降南郡

醜奴岳以醜奴所乘馬及寶劔賞之

又曰吳呂蒙爲虎威將軍既降南郡入據城令軍中不得干厯人家有所求取

孫瑜降二郡

又曰孫瑜爲奮威將軍領丹陽太守瑜以饒助爲襄

安長顏連爲居巢長使招納廬江二郡各得降附

景丹縱突騎

又曰景丹爲偏將軍從光武擊王郎將兒宏等於南繚郎兵迎戰漢軍退卻丹等縱

突騎擊大破之光武謂曰吾聞突騎  
天下精兵今乃見其戰樂可言邪

吳漢將突騎

又曰

吳漢爲偏將軍既拔邯鄲賜號建策侯注云光武使  
漢等將突騎揚兵戲馬立騎馳環邯鄲城乃圍之

非大將法也

又曰張遼爲裨將軍太祖遣與夏侯淵圍  
昌豨於東海糧盡議欲引軍還遼謂淵曰

豨計猶豫故不力戰遼欲挑與語倘可誘也乃使謂豨  
曰公有命使遼傳之豨果下與遼語豨乃許降遼遂單  
身上三公山入豨家拜妻子豨乃隨詣太祖太祖責遼  
曰此非大將法也遼謝曰以明公威信諒豨必不敢害  
故也

大將軍功也

又曰陳俊爲彊弩偏將軍光武即位  
封俊爲列侯又攻匡賊下四縣又討

斬張步帝美其功詔俊得專征青徐數上書願擊隴  
蜀詔報曰東州新平大將軍之功也且勉鎮撫之

揚播擊蠕蠕

又曰楊播爲龍驤將軍與陽平王頌等出  
漠北擊蠕蠕大獲而還孝文嘉其勲遣武

衛將

軍

穆顗討蠕蠕

又曰穆顗爲龍驤將軍從駕西征白龍北討蠕蠕以功加散騎常侍

鎮北

叛將不敢進

又曰朱異爲揚武將軍赤烏時魏將文欽僞降以誘異大帝遣呂據

就異以迎欽異等

三軍莫敢犯

又曰宋升爲散騎侍郎孝文南征以升爲

持重欽不敢進

司徒司馬曜武將軍東道副將軍人有盜

世祖美其

意

又曰馬武初爲更始振武將軍後降光武復使特其部曲至鄴武叩頭辭以不願世祖愈美其意

高祖從其計

又曰陳韋載初仕梁爲信武將軍降高祖時徐嗣徽等引齊軍濟江據石頭城高祖

問計於載載曰今可急於淮南即侯景故壘築城以通

東道轉輸別命輕兵絕其糧運則齊將之首旬日可致

高祖從

原伯昭所向陷敵

後漢書曰耿弇字伯昭爲建威將軍詔弇進攻漁陽

奔以父據上谷又兄弟無在京師者自疑不敢獨進上書求詣洛陽詔報曰將軍出身舉宗爲國所向陷敵功效獨著何嫌何疑而欲求徵且與王常共屯涿郡勉思方略況聞奔求徵亦不自安遣舒弟國入侍帝善之

### 公明長驅入敵

魏志曰徐晃字公明爲橫野將軍太祖遣晃助曹仁擊關公破之太祖令

曰將軍致戰全勝多斬首函吾用兵三十餘年及所聞古之善用兵者未有長驅而徑入敵圍者也王

### 霸可以獨任

後漢書王霸傳云帝以霸曉兵愛士可獨任拜爲偏將軍

### 魏延委以

### 重任

蜀志曰先主拔魏延爲督漢中鎮遠將軍領漢中太守一軍盡驚先主大會羣臣問延曰今委卿以

重任卿居之欲云何延對曰若曹操舉天下而來請爲大王拒之偏將十萬之衆至請爲大王吞之先主稱善

衆咸壯

其言

### 增破德祖於土樓

冊府元龜曰周幾爲寧朔將軍破毛德祖於土樓以

功賜爵交趾侯  
進號宋兵將軍

討盧循於左里

又曰檀韶爲寧朔將軍琅邪內史討盧循於左

里又有戰功  
更封宜陽侯

綏撫荒殘百姓悅服

又曰晉張光爲材官將軍梁州刺史綏撫

荒殘百姓  
姓悅服

善於撫綏甚得民和

又曰裴忌爲都官尚書吳明徹督諸軍北伐詔忌監

明徹軍淮南平授軍師將

諸將論功異獨屏樹下

又曰馮異

軍忌善於綏撫甚得民和

爲偏將軍從光武破王郎封應侯每所止舍諸將

諸將

並坐論功異嘗獨屏樹下軍中號曰大樹將軍

自伐後未嘗有言

又曰賈復爲偏將軍諸將每論功自伐後未嘗有言光武曰賈君之功我自知也

### 雜號將軍四

增碑唐張賁然忠武將軍茹公神道碑曰公諱義忠本

家雁門特稟元和偏鍾間秀瓌貌傑出雄鋌挺生與孫  
吳而暗合以驃衛為已任開元中以良家子戰功居右  
補涇州四門府別將策勲之授也久之秩滿六鈞伎瘡  
七札賈餘歷試粉闥長驅金埒以武部試甲科改授河  
南府王屋府果毅加游擊將軍用絕倫也累遷汝州魯  
陽府折衝尋改金門府折衝驟增武功級敘忠武將軍  
性頗樂道情兼慕閒每凝想於清高不致身於趨競偃  
俛芳歲蹉跎後時未展丹心徒嗟白髮命之不偶李廣

寧遂於封侯生也有涯賈誼終傷於歎鵬銘曰秦殿南  
趾漢池東曲莽蒼開原蕭條古木于嗟雁塞赫矣雄族  
昔也撻金茲焉埋玉鏤鄒徒挂大屈終藏日色不暖風  
枝自傷萬事颯而煙盡片石歸而天長

左右監門衛將軍一

原杜氏通典曰隋初有左右監門府將軍各一人掌宮  
殿門禁及守衛事各置郎將二人校尉直長各三十人  
有長史司馬錄事及倉兵二曹參軍鎧曹行參軍各  
一人二漢有城門校尉掌京師城門屯兵非今任也

帝改將軍為郎將各一人正四品置官屬並同備身府  
唐左右監門府置大將軍中郎將等官龍朔二年改府  
為衛大將軍各一人所掌與隋同將軍各二人以副之  
中郎將各四人分掌諸門以時巡檢

領官屬並隋置唐因之

增

宋史職官志曰環衛官有左右監門衛上將軍大將軍  
將軍 續文獻通考曰遼南面有左右監門衛設官與  
金吾衛同 金無考 元有塔喇魯萬戶府掌守禁門  
等處應直宿衛其職與監門同屬大都督府官職詳本



府

左右監門衛將軍二

增分掌戎校

參議軍政

右冊府元龜曰唐張守潔爲龍道按察使秦州都督開元

中以爲右監門衛將軍又以宣州刺史霍廷玉爲驍騎將軍梁州都督裴觀爲左右衛將軍定州刺史高豫兼判左右衛將軍坊州刺史韋琳兼判右武衛將軍帝將北巡大展六軍之容故歷選岳牧之良者分掌戎校又曰劉處讓爲左監門衛上將軍范延光據鄴城叛命節度楊光遠張從賓討之處讓奉詔與光遠同參議軍政從賓行次河陽密與延光連結將犯梁城處讓奉詔自黎陽分兵討襲從賓平復又與光遠攻鄴延光將謀納款尚竊疑留處讓親入以禍徇諭之乃沒歸命

從破薛舉

數薦張亮

又曰

唐樊興爲右監門將軍從太宗破薛舉平王世充竇建德積戰功累封營國公又曰唐李勣武德初爲左監門大將軍時張亮爲檢校定州別駕勣數薦亮於太宗引爲車騎將軍

李粲乘馬孝

祥渡船

又曰唐李粲爲左監門大將軍高祖問粲年幾對曰八十高祖曰公清幹之譽聞於隋日今年

齒雖邁筋力未衰監門之職非公莫可乃詔曰非自殿庭皆乘馬論者榮之又曰唐蘇孝祥爲右監門衛將軍文明元年徐敬業據揚州與其將李萼會於高郵之下阿窳列營拒守孝祥率兵夜用小船先渡水擊之

### 左右監門衛將軍三

增制孫逖授元環右監門衛將軍制曰敕具官元環衣冠濟業言行資身地在通姻人稱懿戚徵於舊典洽以

新恩宜有命於移官更增榮於賜服 又授趙惠琮左

監門衛將軍制曰具官趙惠琮素韞智謀早標周慎頃  
令銜命委以臨戎既逾險而深入亦乘危而苦戰遂清  
狂寇且振邊威不有賞功將何勸善宜列瓜牙之任仍  
真耶綬之榮 李璣授吳敬存左監門衛將軍張景球  
虢州司馬兼中丞等制曰敕吳敬存等各以才能效其  
忠節或誘諭軍帥捍蝱蟻之師徒或善葺都門壯鳳凰  
之城闕嘉績既著賞典宜及將軍職於禁旅司馬兼於

憲丞可謂寵榮足以耀於流輩矣

左右千牛一

原杜氏通典曰千牛刀名後魏有千牛備身掌執御刀

因以名職

謝綽宋拾遺有千牛刀即人君防身刀也齊尚書楊王夫取千牛刀殺蒼梧王是也其義

蓋取莊子云庖丁爲文惠君解牛十九年所割數千牛而刀刃若新發於硎因以爲備身刀名也

北齊

千牛備身屬左右將軍隋有左右領左右府大將軍一人將軍二人掌侍衛左右供御兵仗領千牛備身十二人掌執千牛刀備身左右十二人掌供御刀箭備身十

六人掌宿衛侍從

左右置長史司馬錄事及倉兵二曹參軍事鎭曹行參軍

煬帝改

左右領左右府為左右備身府置備身郎將等官唐貞

觀中復為左右領左右府顯慶五年始置左右千牛府

龍朔二年改左右千牛府為左右奉宸衛後改為左右

千牛衛神龍二年各置大將軍二人

初以安國相王為千牛衛大將軍是

時王以嘗登帝位

所掌與隋同總判衛事將軍各一人以副之

中郎將各一人通判衛事

領官屬即隋左右領左右府長史以下唐改之

左右

千牛備身各十二人

龍朔中改為左右奉裕咸亨初復舊垂拱二年又改為奉裕神龍元

年復舊

掌執御刀宿衛侍從

皆以高蔭子弟年少姿容美麗者補之花鈿繡服衣綠執

象爲貴胄起家之良選

備身左右十二人

執御刀弓箭宿衛侍省

備身各一

百人

掌宿衛侍從

增宋史職官志曰環衛官有左右千牛

衛上將軍大將軍將軍

續文獻通考曰遼南面有左

右千牛衛設官與金吾同金元無

左右千牛二

增玉海曰永徽六年褚遂良請千牛不簡嫡庶

左千牛韋侍價

左千牛備身崔知溫右千牛韋武王方翼

又曰宋奉宸隊即唐千牛衛營

嘗更是名廣朝黃麾為近仗稱親扈 冊府元龜曰楊  
義臣秦國縣公崇之子也崇擊突厥力戰而死義臣襲  
崇官開皇中年未弱冠奉詔侍衛如千牛者數年賞賜  
甚厚

左右千牛三

增制唐錢珣授前威勇軍節度都指揮使楊承襲左千  
牛衛大將軍制曰具官楊承襲素以材力聞於朝廷皆  
屬興師乃思致勇而時惟黷武未足經邦每念殘人遂

能屈已既從休息何必訓齊爾其罷彼戎機來歸環衛  
職親任重假寵任多無懷逆命之謀宜奉徵還之召况  
參宿衛亦在促裝又授前千牛衛將軍徐榮右神武  
將軍兼知軍事等制曰敕具官徐榮等陳力諸吏曳長  
組於西階之下而參將軍之位者況假地官之秩兼騎  
省之名仕蓋顯矣惟榮暨臣皆嘗立朝自效之勤所聞  
甚著使之遷擢乃用舊章道鄰有勞於公亦宜賦祿郡  
佐漸優之命勉進爾途



諸校尉一

原杜氏通典曰漢武帝初置中壘屯騎步兵越騎長水湖騎射聲虎賁等校尉為八校各有司馬後漢以屯

騎越騎步兵長水射聲為五校皆掌宿衛兵

按大駕鹵簿五校尉

在前各有鼓吹一部

各有司馬

蔡質漢儀曰五營司馬見校尉執版不拜

並屬北軍中

候時五校官顯職閑而府寺寬敞輿服光麗伎巧必給

故多以皇族肺腑居之至靈帝又置西園八校尉

其名曰上

軍中軍下軍典軍助軍佐軍及左右校尉

自魏晉以下五校之名與後漢同

唯後魏五校各置二十人

中壘校尉

漢掌北軍營壘門內又外掌西

域後漢省中壘但置北門中候掌監五營

屯騎校尉

漢掌騎士後漢初改爲驍騎建武十五年復舊

步兵校尉

漢掌上林苑門屯兵晉阮籍間步兵廚營人善釀有貯酒三百斛乃求爲之至隋屬鷹揚

府

越騎校尉

漢掌越騎越人內附以爲騎也後漢初改爲青中右校尉建武十五年復舊

長

水校尉

漢掌長水宣曲邊騎宣曲觀名邊騎之屯於宣曲者宋志引韋昭曰長水校尉典邊騎廩近長

水故以爲名長水蓋關中

邊騎校尉

漢掌池陽邊騎不常置邊騎之屯池

陽者後漢

射聲校尉

漢掌待詔射聲士工射者冥冥中聞聲射則中之因以名也須待所

命而射故曰

虎賁校尉

漢掌輕車後漢并射聲

城門校尉

漢掌京師城門

屯兵凡八屯後漢掌雒陽城門十二所票姚校尉漢武若周禮司門晉干寶注曰如今校尉也馬姚校尉漢武

去病爲之護烏桓校尉漢武帝時烏桓屬漢始於幽州部置之擁節監領至後漢亦謂之領烏桓

校尉後漢主烏桓邊兵戊巳校尉漢元帝初元元年置領鮮卑李膺爲此官甲乙丙丁庚辛壬癸

皆有正位惟戊巳寄治耳此所置校尉亦無常居故取戊巳爲名一說戊巳居中鎮震四方漢所置校尉亦處

域之中撫護羌校尉後漢在涼州部持節職如護烏桓諸國也主西羌元康中改爲涼州刺史

儒林校尉蜀先主以周羣爲之南蠻校尉晉武帝於襄陽置之元康中荊州刺史領江左

初省尋又置於江陵齊書曰宋齊之際刺史多不領南蠻別以重人居之惟齊豫章郡王嶷爲南蠻校尉荆湘

二州南彝校尉晉武帝於寧州置之及西戎校尉晉武帝

刺史

長安置之元康中改爲雍州刺史

史安帝義熙中又置治漢中

寧蠻校尉

晉安帝置治襄陽以授魯

宗之護三巴校尉

宋置齊建元二年改爲刺史

武騎尉

屯騎尉

驍

騎尉

游騎尉

飛騎尉

旅騎尉

雲騎尉

羽騎

尉

建節尉

奮武尉

宣惠尉

綏德尉

懷仁尉

守義尉

奉誠尉

立信尉

都十六尉

並隋置以

爲武散官

昭武振威致果翊衛宣節禦侮仁勇倍戎

八校尉各有副尉并唐采前代諸校尉以下舊名置自

鎮軍將軍以下爲武散官

增晉書百官志曰屯騎步

兵越騎長水射聲等校尉是為五校並漢官也魏晉逮於江左猶領營兵並置司馬功曹主簿後省左軍右軍前軍後軍為鎮衛軍其左右營校尉自如舊皆中領軍統之二衛始置前驅由基彊弩為三部司馬各置督史左衛熊渠武賁右衛飲飛武賁二衛各五部督其命中武賁驍騎游擊各領之又置武賁羽林上騎異力四部并命中為五督其衛鎮四軍如五校各置千人更置殿中將軍中郎校尉司馬此驍騎持推斧武賁分屬二衛

尉中武賁持披冗從羽林馬常從人數各有差武帝甚重兵官故軍校多選朝廷清望之士居之先是陳勰為文帝所待時有才用明解軍令帝為晉王委任使典兵事及蜀破後令勰受諸葛亮圍陣用兵倚伏之法又甲乙校標幟之制勰悉諳練之遂以勰為殿中典兵中郎將遷將軍久之武帝每出入勰持白獸幡在乘輿左右鹵簿陳列齊肅太康末武帝嘗出射雉勰時已為都水使者散從車駕逼暗乃還漏已盡當合函停乘輿良久

不得合乃詔總合之總舉白獸幡指麾須臾之間而函  
成皆謝總聞解甚為武帝所任 唐兵志曰太宗貞觀  
十年諸府總曰折衝府凡天下十道置府六百三十四  
皆有名號凡府校尉六人士以三百人為團團有校尉  
五十人為隊隊有正十人為火火有長火備六馱馬每  
歲季冬折衝都尉率五校兵馬之在府者置左右二校  
尉位相距百步每校為步隊十騎隊一皆卷綃幡展刃  
旂散立以俟角手吹大角一通諸校皆斂人騎為隊二

通偃旂稍解幡三通旂稍舉左右校擊鼓二校之人合  
譟而進右校擊鉦隊少却左校進隊至右校立所左校  
擊鉦少却右校進隊至左校立所右校復擊鉦隊還左  
校復薄戰皆擊戰鉦隊各還大角復鳴一通皆卷幡攝  
矢弛弓匣刃二通旂稍舉隊皆進三通左右校皆引還  
諸校尉二

增東觀漢記曰班超在西域三十一歲還洛陽拜為射  
聲校尉後漢書曰越騎校尉鄧康以太后久臨朝宗



門盛滿數上書長樂宮諫爭宜崇公室自損私權言甚切至太后不從康心懷畏懼永寧元年遂謝病不朝

後漢書曰赤眉與李松戰生得松時松弟汎為城門校尉赤眉謂之曰開城門活汝兄汎即開門 范蔚宗後漢書曰中平五年初置西園八校尉 蜀志曰秦宓為長水校尉吳遣張溫來聘百官皆往餞而宓後往既至溫曰彼何人也諸葛亮曰益州學者也荅問如響應聲而出溫大敬服之 又曰宗預為屯騎校尉車騎鄧芝

江州來朝謂宗預曰禮六十不服戎而卿受兵何也預  
荅曰卿七十不還兵我六十何為不受耶復東聘吳孫  
權攜預手涕泣遺大珠一斛 魏略曰董卓表太祖為  
驍騎校尉又被徵為典軍校尉 吳志曰是儀從孫權  
討關羽拜忠義校尉儀上表陳謝權令曰孤雖非趙簡  
子卿安得不自屈為周舍耶 又曰太傅馬日磾仗節  
安集關東在壽春以禮辟孫策表拜懷義校尉 又曰  
袁術表孫策為折衝校尉 又朱據傳曰孫權咨歎將

帥追思呂蒙張溫以為據才兼文武可以繼之由是拜

建義校尉

又曰朱才字君業為人精敏善騎射權愛

異之常侍從遊戲少以父任為武衛校尉

傳暢晉諸

公贊曰王戎為荊州刺史揚烈將軍領南蠻校尉王

隱晉書曰太康中伐吳還欲以王濬為五官校尉而無

鍍始置翊軍校尉班同長水步兵以梁益所省兵為營

沈約宋書曰武帝置東宮騎步兵翊軍三校尉齊

職儀曰三巴校尉銀印青綬虎冠絳朝服

梁史曰韋

聚長八尺容觀甚偉為外兵參軍兼中兵時潁川庾仲容吳郡張率前輩才名與聚同府並忘年交好後自記室遷步兵校尉

### 諸校尉三

原主禁兵 掌宿衛

東觀漢記曰馬光字叔山監越騎視事以為五校尉主禁兵武備

續漢書百官志曰五校各一人秩比二千石掌宿衛兵

典邊騎

掌射聲

上長水校

尉詳諸校尉一入續漢書曰長水校尉掌宿衛兵下射聲校尉詳諸校尉一入續漢書曰射聲校尉掌宿衛

兵

宿衛兩宮 各領千兵

東觀漢記曰馬光監越騎校尉時五校尉今在北軍

營中光以爲五校尉所以宿衛兩宮不宜在一處表請  
二校尉附北宮詔許越騎射聲治寺北宮 晉品令曰

漢置五校尉爲宿衛軍各領  
千兵晉初諸王起家多爲之

羌人感悅

昆彌歡喜

東觀漢記曰鄧訓爲護羌校尉時羌俗恥病死每因病  
困輒以刀自刺訓聞有困病者輒拘持束縛不與兵刃  
使醫藥療之愈者非一小大莫不感悅訓病卒羌人愛  
惜旦夕臨者數千人或以刀自割或刺殺犬馬牛羊曰  
鄧使君已死我曹亦且俱死矣前烏桓吏人皆奔走道  
路至空城郭 又曰耿恭字伯宗始置西域都護戊巳  
校尉恭至部移檄烏孫示漢威德昆彌  
以下皆歡喜遣使獻名馬願遣子入侍

增銜鬚伏劍

厲聲攘袂

丹府元龜曰後漢溫序爲護羌校尉行部  
至襄武爲隗囂別將苟宇所拘劫宇謂序

曰子若與我同力天下可圖也序曰分當效死義不貪  
生宇等復曉譬之序叱曰爾何敢迫脅漢將因以節撾

殺數人衆爭欲殺之宇止之曰此義士可賜一劒序銜  
鬚於口顧左右曰旣爲賊所殺無令鬚汚血遂伏劒而  
死又曰晉周虓爲西曩校尉領梓潼太守苻堅將楊  
安寇梓潼虓固守涪城送母妻將抵江陵爲堅將朱彤  
所獲遂降於堅堅欲以爲尚書郎虓不從自是每入見  
輒箕踞而坐屬元會堅謂虓曰晉家元會何如此虓攘  
袂厲聲曰爾等集聚何敢比天子耶左右請除之堅待之彌厚

潘璋橫馬

許褚瞋

曰又曰吳潘璋爲武猛校尉合肥之役張遼奄至諸將  
不備陳武關死來謙徐盛皆披走璋馳進橫馬斬謙  
盛兵走者二人兵皆還戰大帝甚壯之拜偏將軍又  
曰魏許褚爲都尉從太祖征張繡先登斬首萬計遷校  
尉又從討韓遂馬超於潼關太祖與遂超等單馬會語  
左右皆不得從唯將許褚會超陰欲前突疑從騎是褚  
乃問太祖曰公有虎侯安在太祖顧指褚瞋  
目盼之超不敢動復數日會戰大破超等

被創不

顧拭血進戰

又曰劉惔爲西域副校尉受詔當屯金城聞羌轉寇三輔迫近園陵即引兵赴

擊惔臨陣被創不顧連破走之盡得所掠生口財物甚衆朝廷嘉之數璽書勞勉委以西方事令爲諸軍節度

又曰李膺爲烏桓校尉時鮮卑數犯塞膺嘗蒙矢石每破之敵甚憚懾謝承後漢書曰膺嘗率步騎臨陣交戰被創瘐拭血進戰遂破寇斬首二千級

開幕精兵善撫士卒

又曰吳全琮爲

奮威校尉授兵數千人使討山越因開幕召得精兵萬餘人出屯牛渚又曰北魏房伯玉爲武昌王府司馬

孝文南伐徵爲步兵校尉善撫士卒孝文嘉之

大飲長歡披髮抗音

又曰魏典

韋爲校尉好酒食飲噉兼人每賜食於前大飲長歡左右相屬數人益乃供太祖壯之又曰吳留贊爲屯騎

校尉諸葛恪征東興贊爲前部合戰先陷陣大敗魏師遷左將軍贊爲將臨敵先披髮叫天因抗音而歌左右

應之畢乃進

戰無不克者

威信大行 仁恩廣被

又曰後漢鄧訓爲烏桓校尉鮮

卑聞其威信皆不敢南近塞下後代張紆爲護羌校尉撫綏歸附威信大行遂罷屯兵惟置弛刑徒二千餘人

分以屯田爲貧人耕種修城郭塢壁而已

又曰晉唐

彬領護烏桓校尉右將軍訓卒利兵廣農重稼震威耀

武宣喻國命示以恩信於是鮮卑遣侍子入貢兼脩學

校仁恩廣被遂開拓舊境却地千里復秦長城自漢魏

征鎮莫

李必擊楚

張儉度遼

又曰前漢李必重泉縣人時漢西收兵於

之北焉

滎陽楚騎來衆擇可爲騎將者乃令必爲校尉必曰臣

故秦民恐軍不信臣願得左右善騎者傳之乃拜灌嬰

爲中大夫李必爲校尉將郎中騎兵擊楚騎於滎陽東

大破之

又曰張儉爲營州都督兼護東

昇校尉太宗

將至遼東拜行軍總管進度遼趨建安城賊徒大潰以功封皖城郡公

率騎進擊開



城受降

又曰段紀明爲護羌校尉破羌將軍時遣謁者馮禪說降漢陽散羌紀明以羌雖暫降必復爲

盜不如乘虛放兵勢必殄滅紀明自進營去羌所屯凡亭山四十五里遣田晏夏育將兵據其山上大戰破之

又分遣晏育等夜上西山張愷上東山紀明自率步騎進擊水上羌走與愷等夾東西山縱兵擊破之又曰

蕭景爲寧蠻校尉時魏荊州刺史元志寇潯陽蠻悉度漢水來降議者欲因此除之景曰窮來歸我誅之不祥

乃開樊城受降

原戴陵諫弋獵

留贊好直言

魏志曰戴陵爲長水校尉

諫文帝不宜數行弋獵帝大怒陵減死罪一等吳志曰留贊字正明爲屯騎校尉時事得失每常規諫好直

言不阿旨孫權以此憚之

任峻見事理陸嘉有德行

魏志曰任峻字伯遠

遷長水校尉峻寬厚有度而見事理每有所陳太祖多善之王隱晉書曰陸嘉字文仲仕吳稍至屯衛校尉

既名族有德行聲

譽好學有才思

任宏校兵書

賈宗兼經術

漢書

志曰成帝時遣步兵校尉任宏校兵書

東觀漢記曰

賈宗爲長水校尉上美宗有武節又兼經術每宴會與

當世文儒司徒

增陳湯善屬文

賈宗通儒術

丹府

丁鴻論難經傳

曰前漢陳湯好讀書博達善屬文以薦爲郎遷西域副

校尉與甘延壽俱出累遷射聲校尉

又曰賈宗爲長

水校尉宗兼通儒術每讎見嘗

伍孚刺董卓

許褚

使與少府丁鴻等論議於前

殺徐他

又曰後漢伍孚爲越騎校尉忿董卓志手

送至閣以手撫其背孚因出刀刺之不中卓自奮得免

急呼左右執殺之

又曰魏許褚爲校尉從討袁紹於

官渡時徐他等謀爲逆以褚常侍左右憚不敢發視褚

休下日懷刀入褚至下舍心動即還侍他等不知入帳

見褚色變褚覺之即殺他等太祖益親信之

張騫知水草 王宜善刀楯

又曰漢張騫爲校尉從大將軍擊匈奴騫常使大夏留匈奴中久道軍知善水草處軍得以無飢渴又曰王宜爲屯騎校尉拳捷善舞刀楯黃回嘗使十餘人以水交灑不能著

原大猷虔恭法憲

士恭躬處儉約

王隱晉書曰齊王攸字大猷少以英奇見稱始除步兵校尉時年十八初

授戎任職虔恭法憲綏禦有方晉中興書曰任丞字士恭太興初爲屯騎校尉職位兼重居藩屏躬處儉約

乘草莽車

劉超號君子營 嗣宗求步兵廚

晉中興錄劉超字世瑜爲

射聲校尉時軍校無兵以義興人多義隨劉超因領之以宿衛號曰君子營魏氏春秋曰阮籍字嗣宗聞步

兵校尉鼓廚多美酒營人善釀酒求爲校尉遂縱酒昏酣遺落世事

伯宗陳上方略

武儒數言便宜

續漢書曰耿恭字伯宗遷長水校尉其秋金城隴西羌反恭上疏陳方略詔召

入問狀乃遣恭將五校士三千人東觀漢記曰賈宗

字武孺爲長水校尉宗性方正奉職愛士及在朝廷數

言便宜深見親

異賞賜殊厚

破石縱暴無道

公路以氣高人

承謝

後漢書曰曹節弟破石爲越騎校尉越騎營五百妻有美色破石從求之五百不敢違妻執意不肯行遂自殺其縱暴無道多類此按韋昭辨釋名曰五百字本爲伍伍當也伯道也使之導引當道陌中以驅除也今俗呼行扶人爲五百魏志曰袁術字公路爲長水校尉好奢綺盛車馬以氣高人謠曰路中捍鬼袁長水

諸校尉四

原掌屯兵

步兵校尉詳諸校尉一又續漢書曰步兵校尉掌宿衛兵

掌騎士

漢百官公

卿表屯騎校尉掌騎士又續漢書屯騎校尉掌宿衛兵  
晉中興書司馬無忌讓屯騎校尉之任職典禁兵宿衛  
事重必宜其人豈  
臣微弱所堪充也  
**給千人**  
王隱晉書曰王允爲屯衛  
校尉千人營置長吏司馬

### 領千營

王冕傳曰冕起家爲長水  
校尉領千營置吏司馬也

### 主西羌

漢百官  
志護羌

校尉一人主西

### 主烏桓

又烏桓校尉一人  
主烏桓秩二千石

### 官顯職

羌秩二千石

### 間

後漢書曰劉般字仲興爲屯騎  
校尉時五校尉官顯職間云云

### 禁兵武備

東觀漢  
記馬光

事見

### 吏士稱仁

後漢書曰曹褒字叔通遷射聲校尉  
時射聲營舍有停棺不葬者百餘所

褒親自履行問其意故吏對曰此等多是建武以來絕  
無後者不得埋掩褒乃愴然爲買空地悉葬其無主者  
設祭以祀之吏  
士咸稱其仁

### 吏士敬畏

又曰鄧通字子淵遷越騎  
校尉爲營吏士所敬畏天

下歎之

不同常例

王隱晉書武帝詔曰射聲校尉故舊外掌方任內參九列不宜同之常例

勿令

入直

高選綱佐

晉中興書曰東海王沖爲長水校尉年十一高選綱佐以劉耽爲司馬顧

和爲

增咸稱萬歲

冊府元龜曰後漢公孫瓚爲降鹵校尉兼屬國長史每聞有警輒厲

主簿

色憤怒如赴讐敵嘗與善射之士皆乘白馬爲左右翼自號白馬義從烏桓更相告語避白馬長史乃畫作瓚

形馳騎射之中

皆稱萬歲

又曰耿恭爲戍已校尉征匈奴於疏勒城固守匈奴

者咸稱萬歲

於城下擁絕澗水恭歎曰聞昔貳師將軍拔刀刺山飛泉湧出乃向井再拜有頃水泉奔出衆皆稱萬歲令吏

揚水示敵

陷陣卻敵

又曰辛慶忌爲右校丞隨長羅侯常惠屯兵烏孫赤谷城與歙

侯戰陷

衝堅陷陣

又曰梁曹景宗爲屯騎校尉督峴南諸軍事魏太武攻赭陽景宗爲

陣卻敵

偏將衝堅陷陣輒有斬獲

### 延年好酒

南宋書曰顏延年領步兵校尉好飲酒不護細行

### 欣泰飲酒

冊府張欣泰爲直閣步兵校尉領羽林監從車駕出新林敕欣泰甲仗廉察欣泰停仗於

松樹下飲酒賦詩呂文虔啓世祖遣出外數日召還謂之曰卿不樂爲武職驅使當處卿以清貴除兵部員外

郎

### 原鮮卑上金

魏略曰田豫字國護爲護羌校尉時鮮卑素利等數以牛馬遺豫豫轉送

官羌復密懷金三十斤謂豫曰願避左右我欲有所道因跪曰我見公貧密以此上公豫張袖受之荅其厚意羌去具以狀聞詔曰昔魏絳開懷以納戎今卿舉袖以受羌金朕甚嘉焉乃即賜青綾五百匹豫得賜分半藏小府後羌復來與之

### 掌北軍壘門

漢書百官公卿表曰十二城門候中壘校尉掌北軍壘門

內外續漢書百官志曰又省中壘校尉以監五屯營

### 正五經異說

續漢書曰樊儵爲長水校

尉與公卿雜定郊祀禮

儀以讖記正五經異說

定五經同異

後漢丁鴻傳曰鴻字孝公爲射

聲校尉肅宗詔鴻與諸儒桓郁賈逵等論定五經同異於白虎觀鴻論難最明諸儒稱之帝數嗟美焉時人歎

曰殿中無

雙丁孝公

掌京師城門

漢書百官公卿表曰城門校尉掌京師城門也兵有司馬

掌輕車外士

漢書曰虎賁校尉掌輕車外士武帝置有丞司馬秩二千石

掌諸

軍兵田

魏略曰司農校尉黃初置秩二千石掌諸軍兵田

主天下材木

又曰材官

校尉黃初置秩比二千石

主天下材木屬少府也

增吳人笑張悌

冊府元龜曰張悌少

善名理爲屯騎校尉魏伐蜀吳人問悌悌曰昔楚劔利而秦昭懼孟明用而晉人憂彼之得志固我大患也吳

人笑其言而

蜀果降於魏

坐者笑慶之

又曰南宋沈慶之爲步兵校尉太祖北伐慶之副王



元謨向礪礪戍主棄城走元謨圍滑臺慶之與蕭斌留  
守礪礪元謨攻滑臺不拔魏主率衆南向元謨退蕭斌  
欲固守礪礪會詔使至不許退斌復計於慶之慶之曰  
閫外之事將所得專詔從遠來事勢已異節下有一范  
增而不能用空議何施斌及坐者並笑曰沈公乃更  
學問慶之厲聲曰衆人雖見古今不如下官耳學也

皆歡喜遣使

又曰漢耿恭爲戍已校尉屯車師後王城恭至部移檄烏孫示漢威德大昆彌已下

皆歡喜遣使獻名馬及奉宣帝時所賜公主博具願遣子入侍恭乃發使齎金帛迎其侍子

咸歡

喜叩頭

又曰後漢鄧訓爲謁者時校尉張紆誘誅燒當種羌迷吾等由是諸羌大怒謀欲報怨因命鄧

訓代紆爲校尉以德懷之湟中諸羌皆言鄧使君待我以恩信開門內我妻子乃得父母咸歡喜叩頭曰唯使君所命訓遂撫養其中少年勇者數百人以爲義從

原仲華鷹揚虎視

汝南先賢傳曰

應順字仲華拜射聲校尉鷹揚虎視

馬光帥厲吏士

東觀漢記曰馬光爲校尉帥厲吏士

教習

五校尉二千石

漢書百官公卿表曰五校尉皆二千石武帝置虎賁校尉湖騎

校尉悉隸城門校尉建武七年省長水射聲九年改屯騎爲驍騎青中十年又置長水騎爲屯騎省越騎置司馬并長水又省中壘校尉以虎賁并射聲及步兵爲五校尉

上應天工下厭羣望

東觀漢記曰梁冀拜步兵校尉上書列校之職上應天工下厭羣望實非愚臣所宜

御定淵鑑類函卷一百四

欽定四庫全書薈要卷一萬一千五百五十三

子部

御定淵鑑類函卷一百五

設官部四十五

殿前司 侍衛馬軍司  
侍衛步軍司 左右神策軍

執金吾

錦衣衛

武庫令

羽林監

龍武軍

羽林中郎將

謁者僕射

殿前司

增文獻通考曰都指揮使副都指揮使都虞候副都虞候掌殿前諸班直及步騎諸指揮之名籍及訓練之政宋初有都點檢副都點檢之名在都指揮使之上後不

復置入則侍衛殿陛出則扈從乘輿大禮則提點編排  
整肅禁衛鹵簿儀仗掌宿衛之事都指揮使以節度使  
爲之而副都指揮使都虞候以刺史以上充資序淺則  
主管本司公事馬步軍亦如之備則通治闕則互攝凡  
軍事皆行以法而治其獄訟若情不中法則稟奏聽旨  
騎軍有殿前指揮使內殿直散員散指揮散都頭散祇  
候金槍班東西班散直鈞容直及捧日以下諸軍指揮  
步軍有御龍直骨朶子直弓箭弩直及天武以下諸軍

指揮諸班有都虞候都虞候指揮使都知副都知押班  
御龍諸直有四直都虞候本直各有都虞候指揮使副  
指揮使都頭副都頭十將將虞候騎軍步軍有捧日天  
武左右四廂都指揮使捧日天武左右廂各有都指揮  
使每軍有都指揮使都虞候每指揮有指揮使副指揮  
使每都有軍使副兵馬使十將將虞候承局押官各以  
其職隸於殿前司政和四年詔殿前都指揮使在節度  
使之上副都指揮使在正任承宣使之上殿前都虞候

在正任防禦使之上中興後都指揮使副都指揮使間  
虛不除則以主管殿前司一員任其事其屬有幹辦公  
事主管禁衛二員準備差遣準備差使點檢醫藥飯食  
各一員書寫機宜文字一員本司掌諸班直禁旅扈衛  
之事捧日天武四廂隸焉訓齊其衆振飭其藝通輪內  
宿并宿衛親兵並聽節制其下有統制統領將佐等分  
任其事凡諸軍班直功賞轉補行門拍試換官閱日排  
連以詔於上諸殿侍差使年滿出職祇應參班核其名

籍以時教閱則謹鞍馬軍器衣甲之出入軍兵有獄訟則以法鞠治初渡江草創三衙之制未備稍稍招集填置三帥資淺者各有主管某司公事之稱又別置御營司擢王淵爲都統制其後外州駐劄又有御前諸軍都統制之名又并入神武軍以舊統制統領改充殿前司統制統領官 沈氏筆談曰三衙內中見宰相皆橫杖於文德殿後主廊階下唱喏宰相出立階揖之外遇從官於通衢皆避馬此禮久廢惟內中橫杖之禮至今不

廢 歐陽氏歸田錄曰寶元康定予自貶所還京見王

君貺初作舍人在坐見殿前馬步軍聯騎立門外呈牒

稱不敢求見舍人遣人謝之而去慶厯三年余作舍人

三衙軍相逢而斂馬駐立前訶者傳聲太尉立馬急遣

人謝之比舍人馬過然後敢行後余官於外十年而還

遂入翰林與學士相逢分道而過更無斂避之禮蓋兩

制漸輕三衙漸重 續文獻通考曰遼南面有點檢司

有殿前都點檢司有點檢侍衛親軍馬步司官曰某都



點檢曰某副點檢曰同知某副點檢外別有指揮使司  
侍衛親軍馬步軍都指揮使司南京亦置司官同侍  
衛控鶴兵馬都指揮使司侍衛漢軍兵馬都指揮使司  
四軍兵馬都指揮使司歸聖軍兵馬都指揮使司各設  
官曰某軍都指揮使某軍副指揮使某軍都監又五京  
各設都虞候司官曰都虞候亦殿前司職也金殿前  
都點檢司掌親軍總領左右衛將軍官曰殿前都點檢  
左副都點檢右副都點檢都點檢判官殿前左衛將軍

右衛將軍左衛副將軍右衛副將軍掌官禁及行從警  
嚴仍總領左右護衛同 元鎮殿將軍募選身軀長大  
異常者充之名曰大漢 明掌領侍衛侯伯駙馬等官  
六員二員管錦衣衛大漢將軍及勲衛散騎舍人府軍  
前衛帶刀官四員管三千營紅盔將軍營又刀官軍

侍衛馬軍司

增文獻通考曰馬軍都指揮使一人以節度使充副都  
指揮使都虞候皆無定員副都指揮使以觀察使以上

充都虞候以防禦使以上充掌騎兵之名籍及訓練之  
政令所領馬軍自龍衛而下有左右四廂都指揮使龍  
衛左右廂各有都指揮使每軍有都指揮使都虞候每  
指揮有指揮使副指揮使每都有軍使副兵馬使十將  
將虞候承局押官各以其職隸於馬軍司中興後常出  
戍建康所設官屬如殿前司 續文獻通考曰遼南面  
有侍衛親軍馬步軍都指揮使司官曰馬步軍都指揮  
使曰馬步軍副指揮使曰馬步軍都監而其分屬有侍

衛親軍馬軍都指揮使司官曰馬軍都指揮使曰馬軍  
副指揮使曰馬軍都監南京設官同黃龍府設官亦同  
金制於侍衛親軍內選三十以下千六百人騎兵曰  
龍翔以備宿衛 元無考

侍衛步軍司

增文獻通考曰掌步軍之政令凡出入扈衛守宿以奉  
上開收閱習轉補以勵下所設官置屬及所領步軍自  
神衛而下左右四廂如馬軍司 續文獻通考曰遼南

面有侍衛親軍步軍都指揮使司設官與馬軍司同南  
京亦置 金海陵時與騎兵同選備宿衛號曰虎步軍  
時置步軍都副指揮使隸宣徽院 元無考 明錦衣  
衛大漢將軍一千五百七員名府軍前衛帶刀官四十  
員三千營紅盔將軍一千五百員名把總指揮十六員  
明甲將軍五百二員名把總指揮四員大漢將軍八員  
五軍營叉刀圍子手三千名把總指揮八員

左右神策軍一

增唐兵志曰上元中以北衙軍使衛伯玉爲神策軍節度使鎮陝州中使魚朝恩爲觀軍容使監其軍初哥舒翰破吐蕃臨洮西之磨環川即其地置神策軍以成如璆爲軍使及祿山反如璆以伯玉將兵千人赴難伯玉與朝恩皆屯於陝時邊土陷蹙神策故地淪沒即詔伯玉所部兵號神策軍以伯玉爲節度使與陝州節度使郭英乂皆鎮陝其後伯玉罷以英乂兼神策節度使英乂入爲僕射軍遂統於觀軍容使代宗即位以射生軍

入禁中靖難皆賜名寶應功臣廣德元年代宗幸陝朝  
恩舉在陝兵與神策軍迎扈悉號神策軍及京師平朝  
恩遂以軍歸禁中自將之永泰元年吐蕃復入寇朝恩  
又以神策軍屯苑中分爲左右廂爲天子禁軍勢居北  
軍右朝恩乃以觀軍容使知神策軍兵馬使朝恩得罪  
以希暹代爲神策使希暹得罪以王駕鶴代將十數歲  
德宗即位以白志貞代之及李希烈反河北盜起數出  
禁軍征伐神策之士多鬪死者建中四年下詔募兵以

志貞爲使及涇軍潰變志貞流貶神策都虞候李晟自  
飛狐赴難遂爲神策行營節度屯渭北貞元二年益置  
大將軍以下又改殿前射生左右廂曰殿前左右射生  
軍亦置大將軍以下四年改殿前左右射生軍曰左右  
神威軍置監左右神威軍使德宗幸梁還以神策兵有  
勞皆號奉天定難功臣自肅宗以後北軍增置威武長  
興等軍名類多而廢置不一惟羽林神武龍武神策神  
威最盛總曰左右十軍矣貞元十四年詔左右神策置



統軍以崇禁衛元和二年省神武軍明年又廢左右神威軍合爲一曰天威軍八年廢天威軍以其兵騎分隸左右神策軍續文獻通考曰遼南面有左右神策軍設官與龍虎軍同外又有左右神武軍有左右神威軍皆因古制而增者金元無

左右神策軍二

增唐哥舒翰傳曰天寶十二載破吐蕃洪濟大莫門等城收黃河九曲以其地置洮陽郡築神策宛秀二軍

蔣又傳曰貞元十八年詔問神策軍建置本末中書計  
求不獲集賢學士悉無以對乃訪又條據甚詳宰相曰  
集賢有人哉 柏良器傳曰爲左神策大將軍知軍事  
募材勇以代市販者中尉竇文場惡之換右領軍衛自  
是軍政皆中官專之 李鄘傳曰爲鳳翔隴右節度使  
是鎮常兼神策行營前此用武將始受詔詣軍脩謁鄘  
不可詔爲去神策行營號 高霞寓傳曰元和中討王  
承宗有功詔藏所獲鎧伏於神策庫以旌之 宦者傳

曰德宗以左右神策天威等軍委宦者主之置護軍中尉中護軍分提禁兵威柄下遷政在宦人興元初詔竇文場監神策左廂兵馬以王希遷監右而馬有麟爲左神策軍大將軍軍額由此始帝自山南還兩軍復全忌宿將難制詔文場霍仙鳴分總之廢天威軍入左右神策久之詔文場爲左神策護軍中尉仙鳴爲右焦希望爲左神策中護軍張尚進爲右高崇文以左神策行營節度使統左右神策麟遊奉天諸屯兵討劉闢順宗

實錄曰貞元二十一年以范希朝兼右神策京西諸城鎮行營兵馬節度使甲戌以韓泰充左右神策京西都柵行營兵馬節度行軍司馬王叔文謀奪宦者兵希朝至奉天諸將無至者武宗紀曰會昌二年幸左神策軍閱武

左右神策軍三

增改作驍衛

易姓魚氏

冊府元龜曰唐李建徽爲左神武大將軍貞元三年以其

妻柳氏與部國公主交往也改作驍衛大將軍又曰唐尚可孤爲神策大將軍魚朝恩統禁軍愛其勇力甚

委遇之俾爲養子秦易姓魚氏名智德以禁兵三千鎮於扶風縣後徙武功凡十餘年士伍整肅郡縣安之

擊李歸仁

破仇敬忠

又曰唐衛伯玉爲神策將軍乾元二年史思明遣魏將李

歸仁率鐵騎五千將犯陝州伯玉以數百騎擊破之於疆子坂歸仁與其黨東走又曰唐尚可孤爲神策軍

大將建中二年爲荆襄應援淮西使統衆赴山南累有戰功及涇原兵叛詔徵可孤軍至藍田賊衆稍盛遂營

於七盤山城柵而居之賊將仇敬忠等來寇可孤頻擊破之因收藍田縣

廷王法臨淮

李晟斬德信

又云唐郝廷玉代宗時爲神策將軍時吐蕃回紇入犯廷玉率兵屯中渭橋軍容使

魚朝恩聞廷玉善戰欲觀其教閱廷玉乃於營內列部位鳴鼓角而出分而爲陣箕張翼舒乍離乍合朝恩曰吾在兵間十餘年始見郝將軍訓練耳廷玉謝曰此非末較所長是臨淮王之遺法也又曰唐李晟爲神策

將德宗幸奉天晟東討自莫州繇白石山雲蔚之路來  
赴軍於渭橋時汝鄭應援使劉德信以子孫軍敗於襄  
城還於渭上晟將收復宮闕數其自  
關東緣路剽劫之罪斬之而兼其衆

### 左右神策軍四

增賦唐李庾西都賦曰親兵百萬制以神策紫身豹首  
金腰火額獵霞張旆剥犀綴革奮目如虎眦振顙而蝟  
磔柔六鈞貫七札對天仗以司戈分玉墀而執戟別有  
陳旌賜鉞閫外四七依揄關而作鎮拒柳營而開壁

### 執金吾一

原杜氏通典曰秦有中尉掌徼循京師

如淳曰所謂徼徼循禁備盜賊

也顏師古曰徼謂遮繞

漢武帝太初元年更名執金吾緹騎二百

人

緹騎無秩比史食俸

持戟五百二十人輿服道從光生滿路羣

僚之中斯最壯矣舊掌京師盜賊考案疑事郅都甯成  
王溫舒減宣等皆截理橫噬虎而冠者也一切理辦亦  
旋誅黜後漢掌宫外戒司非常水火之事月三繞行宮  
外及主兵器自中興但專徼循不與他政魏武秉政復  
爲中尉晉初罷直至後周置武環率武候率下大夫各

二人隋置左右武侯府大將軍一人將軍三人掌車駕出入先驅後殿晝巡夜察執捕奸非烽候道路水草所宜巡狩師田則掌其營禁煬帝大業三年改爲左右武

侯衛所領軍士名欽飛

漢百官表曰漢有左弋令武帝太初元年更名欽飛掌弋射屬

少府光武省之隋氏采舊名

唐初又爲左右武侯府龍朔二年改爲

左右金吾衛置大將軍一人所掌與隋同將軍二人副

其事

領官屬並隋置唐因之

增山堂肆考曰宋朝六軍諸衛有

左右金吾衛上將軍及左右驍衛上將軍屯衛上將軍



監門衛大將軍千牛衛上將軍諸衛將軍並爲環衛官  
無定員皆命宗室爲之 續文獻通考曰遼南面有左  
右金吾衛設官與領軍衛同 金無考 元世祖至元  
九年初立伊蘇巴圖達嚕噶齊置屬官二十三年遂名  
爲伊蘇之軍至大二年改立左右伊蘇衛親軍都指揮  
使司掌扈從車駕宿衛城禁兼營潮河蘇沽兩川屯田  
供給軍儲設官與武衛同

執金吾二

增六典曰左右金吾衛大將軍之職掌中宮及京城晝夜巡警之法以執禦非常 唐書曰高祖以徐世勣爲

右武候大將軍詔曰黎州總管同國公世勣本自黎陽擁徒歸順任以藩兵誠效克彰節義不渝彝險無變宜加寵命用超恒序 又曰趙道興貞觀初歷遷左武候中郎將號爲稱職太宗嘗謂之曰卿父爲隋武侯將軍甚有當官之譽卿今克傳弓冶可謂不墜家聲因授右武候將軍其父時廨宇仍舊不改時人以爲榮 會要

曰建中元年七月以鴻臚寺左右威遠營隸金吾

賈耽授鴻

臚卿兼左右威遠營使

宋淳化五年判左右金吾街仗魏丕以

新募千餘人引對崇政殿太宗親選得五百七十人至道元年閻承翰等爲金吾都監紹興二年詔街仗司以二百人爲額又李顯忠首除左金吾衛上將軍上曰在內則兼在外則否此正如文臣館閣庶可見人才隆興二年復環衛官以才略聞者令兼領如節度使則領金吾左右衛上將軍承宣使領左右衛上將軍之類遼

# 金元無考

## 執金吾三

原警巡

嚴衛

西京賦曰警夜巡畫白帖曰嚴衛禁兵也

領宿衛

盛車

騎

華嶠後漢書曰執金吾掌從領宿衛陰后光武初適新野聞后美心悅之後至長安見執

東觀漢記曰

金吾車騎甚盛歎曰仕宦當

增從九卿

副留守

山

作執金吾娶妻當得陰麗華

堂

肆考曰後漢光武親征隗囂潁川盜起帝還宮謂執金

吾寇恂曰潁川迫近京師當以時定念卿獨能平之耳

從九卿復出以憂國可也又曰唐太宗初伐高麗置

京城留守其後車駕不在京都則宜留守以右金吾大

將軍為

原典執金革

徼循京師

漢官解詁曰執金吾者禦也典執

副留守

金革以禦非常也

漢書百官公卿表曰執金

徽循

宫外

職主先導

韋昭辨釋名曰執金吾掌徽循宫外

不在九卿之列也

漢書顏師古注云金吾鳥名辟除

不祥天子出職主先導

以禦非常故執此鳥之象因以

名官也

擒奸討猾

執禁典兵

胡廣曰衛尉巡行宮中

裏以擒奸討猾也

漢官

法不避貴

語不及國

書

曰郅都遷為中尉丞相條侯至貴倨也而都揖丞相是

時民撲畏罪自重而都獨先嚴酷至行法不避貴戚列

駟導盈巷

蘭蕙中林

山堂肆考曰唐張嘉祐嘉貞弟

增

金吾衛將軍昆弟每上朝軒蓋騶導盈閭巷時號所居坊曰鳴珂里又曰吳俶章恭皇后之弟爲金吾將軍

循循有禮遜見重於朝廷韓熙載潘佑稱爲中林蘭蕙

常領宿衛喜見盛事

又曰後漢耿秉有謀略拜執金吾上每行幸秉常領宿衛又曰唐張萬福拜右金吾將軍時陽城等詣延英

門論裴延齡事帝震怒左右懼不測萬福大言曰國有直臣天下無慮矣吾年八十喜見盛事徧揖城等勞之

強力嫉惡傳符警漏

冊府元龜曰唐田仁會轉右金吾衛將軍強力嫉惡晝夜

巡警自京城至衛路越法者無不立發京師貴賤咸憚之又曰唐常相除右金吾制曉傳銀榮之符夜警金

吾之

箠死惡少

効徙妖巫

又曰唐杜中立歷左右金吾衛大將軍京師惡

少優戲道中具騶唱訶衛自謂盧言京兆中立率從吏捕繫立箠死之又曰唐田仁會爲右金吾有巫傳鬼

道惑衆自言能活死入市里尊之如神仁會効之徙於邊

# 上尊下安 內訓外察

山堂肆考曰唐德宗以山陵近禁屠宰郭子儀隸人犯禁金吾右將軍裴諝奏之或謂曰君獨不爲郭公地乎諝曰郭公勲高望重上新即位以爲附之者衆吾故發其小過以明郭公之不足畏上尊天子下安大臣不亦可乎又曰徐集熊羅宣力輦轂無塵內訓却非之士外察何留之禁

## 領兵咸陽 見

上靈武

又曰唐張獻甫累遷至左金吾李懷光叛吐蕃寇邊獻甫領禁兵戍咸陽累年兵農悅安又

曰唐李嗣業爲執金吾安祿山反上在靈武詔嗣業赴行在謁見上謂曰今日得卿勝數十萬衆事之濟否實

在卿也

## 諳練邊事 好談時政

左丹府元龜曰唐休璟爲左武衛右金吾二衛將

軍則天時西突厥烏質勒與諸蕃舉兵相持安西道絕令休璟與宰相商度事勢俄頃草奏便遣施行後安西

諸州表至一如休璟所畫則天謂魏元忠等曰休璟諳練邊事卿等十不當一也又曰臧希讓爲金吾衛大

將軍好談時政屢以理體上于公卿詔令集賢院待制

破降陳僑圍屠曇朗

又曰後漢賈復爲偏將軍拜執金吾先渡河攻朱鮪於雒陽與白虎公陳僑戰連破降之又曰南陳周敷爲

武候將軍王琳據有上流熊曇朗殺周文育據豫章敷進兵圍曇朗屠之王琳平授平西將軍徐奕

司直周賞督姦尉手令曰昔楚有子玉文公爲之側

席而坐汲黯在朝淮南爲之折謀詩稱邦之司直君之謂與又曰周賞爲執金吾督大姦猾三輔吏民甚畏

之加位特進拜同正員又曰後漢賈復遷執金吾建武十二年復知帝欲偃

干戈脩文德不欲功臣擁衆京師乃剽甲兵敦儒學帝深然之遂以列侯就第加位特進又曰王忠嗣爲左



威衛郎將大破吐蕃以功最  
詔拜左金吾衛將軍同正員

幸郭鏐莊 圖萬福形

又曰郭鏐爲金吾將軍穆宗幸其城南莊賜帛千匹鏐  
以其莊上獻 又曰唐張萬福爲和州刺史追殺賊將

康自勸代宗發詔勞之徵拜右金吾  
將軍詔圖形凌煙閣數賜酒饌衣服

蘭謨嚴毅 敬

德抗直

又曰唐蘭謨爲武侯大將軍爲人嚴毅勤恪監  
領之處乃至忘於寢食每侍太宗常不離左右

又曰唐尉遲敬德太宗貞觀中爲右武侯大將軍素  
抗直不能容人之非每見杜如晦等短長必面折廷辯

遣使西洱 築城瓜州

又曰梁建方爲右武侯將軍  
擊松外蠻破之羣蠻震擾爭

來款附建方乘勝遣使往西洱河其帥楊盛將遁使者  
示以威信盛遂請降 又曰唐張守珪爲左金吾員外

將軍吐蕃陷瓜州以守珪爲瓜州刺史墨離軍使領餘  
衆脩築州城板堞裁立賊暴至城下守珪曰彼衆我寡

須以權道制之乃於城上置酒作樂以會將士賊疑有備不敢攻而退守珪乃擊敗之

原馬防

性矜嚴

崔琰有威重

漢書曰馬防字孝孫拜金吾性矜嚴公正數言政事多見採用

魏志曰崔琰字季珪遷中尉琰聲姿高暢眉目疎朗鬚長四尺甚有威重朝士瞻望太祖亦嚴憚焉

增實抗賜金寶

渾瑊賜錦綵

冊府元龜曰唐實抗爲左武候大將軍從太宗

平薛舉勲居第一又從征王世充東都平賜女樂一部金寶萬計又曰唐渾瑊爲左金吾衛大將軍李希烈

遣間諜詐爲瑊書與希烈交通瑊奏其狀德宗特保證之仍賜瑊馬并鞍轡錦綵

執金吾四

原從六百騎

漢官儀曰執金吾車駕出從六百騎

走六千人

又曰執金吾車駕出

走六千二百人也

陰識正諫

續漢書曰陰識拜執金吾位特進入則極言正諫

朱

浮切諫

漢書曰朱浮爲執金吾六年有日蝕之異浮上疏切諫

增吾復何憂

府

元龜曰後漢賈復爲執金吾建武二年更始郾王尹尊及諸大將未降者尚多帝召諸將議兵事未有言以檄叩地曰郾最強宛爲次誰當擊之復率然對曰臣請擊郾帝笑曰執金吾擊郾吾復何憂

我便安

臥

又曰唐張萬福爲金吾將軍當其宿直必通宵假寐上勞之曰至公宿直我便安臥

原爪牙

之軍

詩經曰子王之爪牙

輦轂之衛

環列之尹

三月之奉

統勾陳之衛

權蘭錡之兵

執金吾五

增制唐蘇頲授李延昌左金吾衛大將軍制曰兵戈之  
容是憑於師律輿馬之飾允屬於徼巡自匪周才孰當  
茲任具官李延昌倜儻爲用堅剛立誠學優典墳言綜  
韜略自膺刺姦之寵雅叶彈違之務正名不拜何以光  
於執金教戰或忘何以勵其投石宜踐迹於中尉俾儔  
能於亞夫常袞授吳湊左金吾將軍制曰將我南軍  
秩高中尉以禁戎之重任委舅氏之同心具官吳湊塗  
山介祉章武雅才言而有宗儉而能廣達禮樂政刑之

要存忠信孝友之誠清心奉公庶務悉理固可以首當  
褒進大勸官曹俾執金吾用彰貴任白居易授田盛

金吾將軍勾當左街事制曰敕具官田盛夫仕宦至執  
金吾古今之榮重也而盛生勲德門有文武略居貴介  
而無佚領誰何而有勞言念徼巡之勤宜仍轉遷之命  
處左攝事以表用能錢珣授高彥弘右金吾衛將軍  
制曰敕具官高彥弘朕每視朝執金吾率其仗衛陳於  
陛前退則與大京兆禁暴詰姦以清轂下其職如是非

細任也以爾進在周行常爲環尹實於巡警素積勤勞  
比授郡符將觀爲政屬其節制有所薦聞方資宣力之  
臣難奪舉材之請未能出守遂至罷居暫解印於外臺  
復彈冠於近列勉思有寵善戒不虞

增銘唐獨孤及右金吾衛將軍閻公墓誌銘曰公諱用  
之初仕彭州參軍遷右衛郎將知引駕仗金吾將軍李  
質上殿不解佩刀公訶下殿陞請按以法左右皆振悚  
自是環衛加肅先是有司以三衛執扇登殿引蹕公奏

曰三衛皆趨悍有材力不當升階陞通御座請以宦者  
代上曰可遂爲故事後遷左金吾將軍其詞曰郁郁金  
吾洵美且靜事君之忠賢於愛敬以德資身其祉宜繁  
彼美輔佐儀刑閨門禮樂是悅孝慈是敦百歲之後令  
德九原獨以令範垂諸後昆

錦衣衛一

增續文獻通考曰錦衣衛本國初儀鑾司先是設拱衛  
司領校尉隸都督府尋改拱衛指揮使司又以拱衛司

類古衛尉寺改都尉司洪武二年定爲親軍都尉府統中左右前後五衛軍士而儀鑾司隸焉十五年罷府及司置錦衣衛親軍指揮使司鎮撫司理衛中刑名如列衛而兼管軍匠謂之南鎮撫司北鎮撫司本添設專理詔獄成化十四年始給印分司得直達洪武二十年焚衛刑具盡出其繫囚送刑部審理二十六年又申鞠刑之禁永樂時紀綱幸用事任遇漸異衛凡十八所錦衣中左右前後五所領軍士五所各分鑾輿擎蓋扇子旌



節旛幢班劔斧鉞戈戟弓矢馴馬十司分領將軍校尉  
上中上左上右上前上後中後親軍分領將軍力士軍  
匠馴象所領象奴養象 本衛掌侍衛之事恩功寄祿  
無常員恒以都指揮都督領之凡大漢將軍力士校尉  
分番護駕直宿巡察凡大朝駕出入督設鹵簿儀仗凡  
皇城四門日夜番直巡警凡盜賊奸宄街塗溝渠密緝  
而時省之凡奉旨鞠獄錄囚勘事與三法司從事凡比  
試并槍監視焉鎮撫司掌衛刑名兼理軍匠添設鎮撫

二人別印分司專理詔獄獄成直達上下法司覆擬經  
歷一人典出納文移鎮撫二員成化十四年始增鑄印  
信分理刑管軍匠各爲一司凡問刑悉照舊例徑自奏  
請不經本衛有事送問問畢仍自具奏俱不呈堂凡鞠  
問姦惡重情得實具奏請旨發落內外官員有犯送問  
亦如之俱不用參語成化元年始令覆奏用參語凡東  
廠及本衛各處送到囚犯弘治十三年令本司從公審  
察究問務得真情若有冤枉即與辨理不許拘定成案

濫及無辜世宗嘉靖元年禁閹人弟姪勿得陳乞錦衣官以撓國是著爲令

## 錦衣衛二

增焚書滅蹟

負上出火

明獻徵錄云朱驥推指揮僉事佐理衛事有衛卒以妖書

首告希重賞者驥斥曰此妄耳取書焚之以滅其跡又云陸炳從世宗辛承天至衛輝行宮失火倉卒侍衛

無在考獨炳身負上出火中上識其姓名即拜都指揮掌衛事

忠勤恭慎

從容贊

畫

又云朱希孝爲都指揮使管衛事世宗性英察雖朝御稀闊而羣情罔不照悉希孝忠勤恭慎受命督捕

校卒無敢希功者

又云周瓚以都指揮充漕運參將感上知遇事有當言從容贊畫輸輓有法是以糧無挂

大官多餘羨

異域三十年 錦衣一片地

又曰孫忠奉使朝鮮往返數四

適也先毀盟遂劫去至大金山柳園縣後隨英宗還京身使異域三十餘年又云楊仁懋任錦衣百戶務爲寬平輒戒其下曰慎之母令西曹郎史腹誹我錦衣一片地有天無日也

### 錦衣衛三

增詩元薩都拉西宮春日與吳錦衣賦曰九重春色金銀闕冠帶將軍盡羽林上苑春鶯隨柳轉西宮午漏隔花深天開閭闔收金鎖簾卷奎光聽玉音白髮儒臣賣詞賦長門應費萬黃金 明王世貞金吾行贈戴錦衣

詩曰金吾緹騎不可當迴若飢鶻搏大荒碧瓦雕甍戰  
峭屹貂裘玉勒紛輝光但令奚雛翦頭至赤手臥奪黃  
金章人間陸海天茫茫豈無英雄遂俛首戴子不肯誇  
身強邀我坐我堂中牀葡萄暖發茵陳香羽聲春激白  
帝霜五侯七貴他自足要令名姓登詞場嗚呼戴子一  
洗金吾色野人媿殺尚書郎

武庫令一

增唐六典曰武庫令兩京各一人從六品下

周禮有司  
甲下大夫

司弓矢下大夫司兵中士司戈盾下士並武庫之任也  
漢屬執金吾後太僕屬官有考工令丞主作兵器弓弩  
刀鎗之屬成則付執金吾入武庫又云武庫令六百石  
魏晉因之宋尚書庫部屬官有武庫令掌軍器齊因之  
梁衛尉寺統武庫置令丞掌甲兵及吉凶儀仗後周依  
周官衛衛尉尉寺統武庫署令二人皇朝因之後減置一  
人丞一人從八品下

漢魏晉時並有武庫丞北齊亦同隋有武庫丞二人皇朝因之後減

置一武庫令掌藏天下之兵仗器械辨其名數以備國

用丞爲之貳凡軍鼓之制有三一曰銅鼓二曰戰鼓三  
曰鐃鼓金之制有四一曰鐃二曰鐃三曰鐃四曰鐃  
之制有四一曰長弓二曰角弓三曰稍弓四曰格弓弩

之制有七一曰擘張弩二曰角弓弩三曰木單弩四曰  
大木單弩五曰竹竿弩六曰大竹竿弩七曰伏遠弩箭  
之制有四一曰竹箭二曰木箭三曰兵箭四曰弩箭刀  
之制有四一曰儀刀二曰鄣刀三曰橫刀四曰陌刀槍  
之制有四一曰漆槍二曰木槍三曰白幹槍四曰撲頭  
槍甲之制十有三一曰光明甲二曰光要甲三曰細鱗  
甲四曰山文甲五曰烏鏈甲六曰白布甲七曰阜絹甲  
八曰布背甲九曰步兵甲十曰皮甲十有一曰木甲十

有二曰鎖子甲十有三曰馬甲旗之制三十有二一曰

青龍旗二曰白獸旗三曰朱雀旗四曰玄武旗五曰黃

龍負圖旗六曰應龍旗七曰龍馬旗八曰玉馬旗九曰

鳳皇旗十曰鸞旗十一曰鷄鷄旗十二曰太平旗十三

曰麒麟旗十四曰飛麟旗十五曰飛黃旗十六曰駿騏

旗十七曰白澤旗十八曰五牛旗十九曰犀牛旗二十

曰金牛旗二十一曰咒旗二十二曰三角獸旗二十三

曰角端旗二十四曰吉利旗二十五曰驪騮旗二十六



曰騶牙旗二十七曰黃鹿旗二十八曰白狼旗二十九  
曰赤熊旗三十曰辟邪旗三十一曰莖文旗三十二曰  
刃旗袍之制有五一日青袍二曰緋袍三曰黃袍四曰  
白袍五曰皁袍器用之制有八一日大角二曰纛三曰  
斧鉞四曰鐵蒺藜五曰棒六曰鉤七曰鐵盃八曰水斗  
凡諸道行軍皆給鼓角三萬人已上給大角十四具大  
鼓二十面二萬人已上大角八具大鼓十四面萬人已  
上大角六具大鼓十面萬人已下臨事量給其鎮軍則

給二分之一凡大駕親征及大田巡狩以羝羊獬豸雄雞鸞鼓若皇太子親征及大將軍出師則用獬豸凡有赦則先建金雞兼置鼓於宮城門之右視大理及府縣囚徒至則撾其鼓

### 武庫令二

原主兵器

續漢書百官志曰武庫令一人六百石本注曰主兵器丞一人

職閒無事

漢書杜欽傳曰爲武庫令職閒無事欽所好也

車駕出先驅

漢官儀曰靜官令式道候秦官

也車駕出在前先驅靜清所徵以示重慎

車駕出持麾

後漢書百官志曰武庫令右屬執金

吾本注曰本有式道左右中候三人六百石車駕出掌在前清道還持麾至宮門宮門乃開

金吾

屬官有武庫令

漢書百官公卿表

銅印墨綬朝服武冠

晉書百官

志曰武庫令銅印墨綬朝服武冠官品第七月俸二十斛

### 羽林監一

原杜氏通典曰漢武太初元年初置建章營騎後更名

羽林騎言其爲國羽翼如林之盛

顏師古曰如羽之疾如林之多

宣帝

令中郎將騎都尉監羽林謂之羽林中郎將領郎百人

謂之羽林郎選隴西漢陽安定北地西河上郡凡六郡

良家子便弓馬者爲之一名巖郎言其禦侮巖除之下

又置羽林左右監

後漢志曰羽林左監一人主羽林左騎羽林右監一人主羽林右騎皆六

百石取從軍死事之子孫養之羽林官教以五兵號曰羽

林孤兒

五兵謂弓矢及矛戈

光武中興以所征伐士勞苦者爲之

其後復簡五營高手別爲左右監羽林父死子繼與武

賁同所居之署謂之寺

延熙六年減武賁羽林住寺不任事者半俸

二漢並

屬光祿勳

後漢實固鄧彪並爲羽林

魏羽林左右監與漢同

夏侯玄爲右桓

範爲左

晉罷羽林中郎將又省一監置一監而已哀帝省

宋武帝永嘉初復置江右領營兵江左無復營兵羽林  
監及虎賁中郎將並銅印墨綬武冠絳朝服其在陞列  
則鵠尾冠鵠鳥每鬪死不止絳紗縠單衣江左不復著鵠冠齊

因之後魏有羽林監北齊置監十五人後周有左右羽  
林率屬大司馬隋煬帝改左右領軍爲左右屯衛所領  
兵爲羽林唐貞觀十二年於玄武門置左右屯營以諸  
衛將軍領之其兵名曰飛騎又於飛騎中簡才力驍捷  
善射者號爲百騎扈從遊幸則衣五色袍乘六閑馬賜

猛獸衣韉龍朔二年改左右屯營爲左右羽林軍武后  
臨朝永昌元年改百騎爲千騎天授中改軍爲衛中宗  
景龍元年改千騎爲萬騎大將軍一人

大足元年左右羽林衛各增置

將軍一人

所掌與左右衛同將軍各三人以副之

領官屬並唐置

增續文獻通考曰遼南面有左右羽林軍設官與千牛  
同金無考明二十二衛中有羽林左衛羽林右衛

羽林監二

增漢書百官表曰羽林欽飛期門武帝太初元年置名

曰建章營騎後更曰羽林 又曰甘延壽字君況以良  
家子善騎射爲羽林投石拔距絕於等倫超踰羽林亭  
樓由是遷爲郎 漢雜事曰竇固以羽林監爲中郎將  
征西寇還中郎印綬復爲羽林監 梁冀別傳曰冀妻  
孫壽從弟安以童幼拜黃門侍郎羽林監 魏略曰夏  
侯太初弱冠爲黃門侍郎嘗進見與皇后弟毛曾並坐  
恥之不悅形於色明帝恨之遷羽林監 鄴侯家傳曰  
玄宗以左右神武軍與龍武羽林備六軍之數 玉海

曰宋咸平五年加楚王元佐左羽林上將軍

羽林監三

原次期門

主車騎

漢書百官公卿表曰羽林掌送從次期門秩比二千石漢舊儀曰

孝武太初初置羽林象

冠加鷩毛

位比大夫

續漢書百

天有羽林星主車騎

官志曰光武左右監皆冠鷩毛謂如雙鷩武於文  
官又曰光武置左右監秩皆六百石位比大夫

增

文帝禮遇

玄宗褒美

冊府元龜曰後周陸逞起家羽林監文帝內親信時輩皆以驍

勇自達唯逞獨兼文雅帝由此加禮遇焉又曰唐張  
守珪每戰皆捷斬契丹首領克特汗首傳於東都明年

守珪獻捷會藉田禮畢酺宴玄宗賦詩  
以褒美之拜守珪爲右羽林大將軍

職總親軍



位掌禁兵

又曰唐李德憲宗元和中爲羽林將軍有名馬穆宗在東宮令近侍諷德獻之德以職總

親軍不敢從又曰唐李多祚驍勇善射意氣感激少以軍功位右羽林將軍前後掌禁兵北門宿衛二十餘

年破永寧縣

攻迴雒城

又曰唐衛伯玉爲員外諸衛將軍肅宗即位興兵靖

難伯玉激憤思立功名自安西歸長安初爲神策軍兵馬使出鎮陝州行營以功累遷右羽林軍大將軍又

曰辛威爲羽林監從太祖迎魏孝武因攻迴雒城功居最

擊破党項

襲至青海

又曰唐李晟爲左羽林將軍代宗廣德初鳳翔節度使孫志直署晟總遊兵擊破党項羌高玉等以功授持進

試光祿卿

又曰唐王君奭爲河西隴右節度使遷右

羽林軍將軍判涼州都督事開元十六年冬吐蕃大特悉諾邇率衆入寇大斗谷又移攻甘州君奭襲至青海俘獲甚衆遷羽林大將軍仍判涼州都督玄宗嘗於廣

達樓引君奭及妻夏氏設宴賜以金帛

### 隊伍嚴整

詞氣感動

又曰唐長孫全

緒爲右羽林大將軍吐蕃犯長安既平中書令郭子儀率六軍將士自商州旋師長安命全緒爲前鋒全緒旣進隊伍整齊京城士庶迎拜歡呼又曰唐李多祚爲右羽林將軍張柬之將誅張易之兄弟謂多祚曰將軍在北門幾年曰三十年柬之曰將軍貴寵當代位極武臣非大帝之恩乎多祚泣曰常感大帝之恩死而不忘柬之曰將軍既感大帝殊澤今大帝之子見在東宮逆豎擅權朝夕危逼宗社之重在於將軍誠能報恩正屬今日多祚曰苟緣王室惟公所使不顧妻子性命詞氣感動遂與柬之等誅易之兄弟

原曹褒

### 差序禮樂

桓範典集皇覽

魏略漢名臣奏曹褒上疏曰王者莫不制禮作樂詔

褒即差序禮樂擢褒羽林左騎桓範爲羽林左監以有文學與黃象等典集皇覽

羽林監四

增詩唐李白送羽林陶將軍詩曰將軍出使擁樓船江  
上旌旗拂紫煙萬里橫戈探虎穴三杯拔劍舞龍泉莫  
道詞人無膽氣臨行相贈繞朝鞭 岑參送羽林長孫  
將軍赴歙州詩曰剖竹向江濱能名計日聞隼旂新刺  
史虎劍舊將軍驛舫宿湖月州城浸海雲青門酒樓上  
欲別醉醺醺 曹唐送羽林賈中丞詩曰四十年前百  
戰身曾驅虎隊繞邊塵風悲鼓角榆關暮日落旌旗隴

草春鐵馬慣牽邀上客金魚多解乞佳人胃中別有安

邊計誰采髭鬚似白銀 李郢贈羽林將軍詩曰虬顙

顙顙羽林郎曾入甘泉侍玉皇鵬沒夜雲知御苑馬隨

仙仗識天香五湖歸去孤舟月六國平來兩鬢霜惟有

桓伊江上笛臥吹三弄送殘陽 朱慶餘贈羽林郎詩

曰紫顙年少奉恩初直閣將軍盡不如酒後引兵圍百

草風前駐旆領邊書宅將公主同時賜官與中郎共日

除大笑魯儒年四十腰間猶未識金魚 僧無可寄羽

林盧大夫詩曰將軍直禁闈繡服擢金羈羽衛九天靜  
英豪四塞知望雲回朔雁隔水射宮麋舊國無歸思秋  
堂夢戰時門風荀氏敵劒藝霍家推計日旌旄下蕭蕭  
萬馬隨

增制唐蘇頲授周仁軌左羽林大將軍制曰周禮命卿  
六師成務漢圖拜將三傑推才具官周仁軌執心剛強  
臨事果決衛青奉法必讓其功師丹守正每聞其貞羽  
翼任隆爪牙寄重宜光絕席用應題坐 白居易授王

士則右羽林大將軍制曰羽林所設上法星文軍衛之中號爲雄重稱茲選任不易其人具官王士則勲戚之家義方之子發身學劍餘力知書早踐班榮累參環列職近而身彌檢慎任久而心益恭勤況一備禁衛四爲偏將滯於久次宜有超遷俾領上將仍升右廣統良家之奇士訓期門之材官寵任不輕無墮於事 蘇頌授楊敬述右羽林將軍制曰瞻彼玄闕衛於丹禁命將擇人制軍爲旅具官楊敬述心堅鐵石器蘊珪璋以俊穎

之才有溫謙之美附枝中葉則藝極於彫弓咀實含英  
則詞殫於綵札自五營高選千廬入侍忠而作訓勤以  
宣威俾寵誰何正其名秩 白居易授王輔元左羽林  
衛將軍知軍事制曰國家設十二衛猶漢之有南北軍  
而左右羽林尤稱親重自諸衛而移領者謂之美遷具  
官王輔元生勲閥之家通吏理之事佐戎臨郡率著能  
名可以掌鉤陳而護建章備警巡而嚴羽衛大將軍事  
假而行之宜勵初終副茲寵任

龍武軍一

原杜氏通典曰唐初有禁兵號爲百騎屬羽林永昌元年改羽林百騎爲千騎景龍元年改千騎爲萬騎仍分爲左右營開元二十六年析羽林軍爲左右龍武軍以左右萬騎營隸焉官屬並唐置至德中分置左右神武軍各置官屬如羽林之制 增唐官志曰左右龍武軍大將軍各一人統軍各一人將軍三人掌同羽林 玉海曰宋龍武軍掌郊祀朝會儀仗判司官一人以判金



吾街仗將軍兼領自左右衛以下官名存而事廢太祖太宗朝以處將帥後多以皇族爲之 續文獻通考曰

遼南面有左右龍虎軍設官同羽林軍 金制無考

元有龍翊侍衛親軍都指揮使司 李鄴侯家傳國初

太原從義之師願留宿衛爲心膂不歸者六萬於渭北

白渠之下七縣絕戶膏腴之地分給義師家爲永業於

縣下置太原田以居其父兄子弟於龍首監置營以處

高祖起第於監內謂之元從禁軍義寧元年初下京城

爲右驍衛將軍主之貞觀初以尉遲敬德權領後二年復入領焉累轉右衛大將軍主禁旅凡二十年太宗乃以元從軍爲龍武分爲左右置將數員分掌之初高祖好畋獵於元從揀善射者百人分兩番於北門長上從獵謂之百騎太宗時亦然衣以五色賞賜優厚高宗時漸衆改爲千騎於北門別置營壘猶統龍武軍武太后朝召入轉多改爲萬騎而名羽林軍分左右置將軍員如龍武羽林盛而龍武衰玄宗幸蜀六軍扈從者千人

而已肅宗赴靈武不滿百人及收復京師龍武等六軍之士存而復上者共不滿萬又曰自肅宗以後北軍增置威武長興等軍名類多而廢置不一惟羽林神武龍武神策神威最盛總曰左右十軍又曰北軍亦從衛兵中選用其法創於太宗之飛騎其後羽林龍武神策神威之類皆北軍也

## 龍武軍二

增冊府元龜曰王漢璋爲右龍武將軍顯德五年正月

從征淮南收下海州詔以漢璋爲海州刺史 又李甚

爲右龍武大將軍甚西平王晟之子以功勲家累官至

庫使 又李觀貞元初爲右龍武將軍四鎮北庭行營

副元帥李晟表爲涇原節度使吐蕃深畏之 又令狐

建爲左龍武軍使建中四年涇原兵反德宗自出苑便

門建方教射於軍中遂以四百人隨駕帝令建爲後殿

又李觀爲右龍武大將軍建中四年涇帥叛觀時爲

帝直領衛兵千餘人扈從奉天詔都巡警訓練諸將戍

卒三數日間加召五千餘兵列之通衢整肅輦鼓城內  
因之增氣帝倚賴之賜封二百戶 又龍武大將軍夏  
魯竒擒梁將王彥章以獻帝壯之賞絹一千匹

增制唐薛珪授齊遵等左龍武將軍制曰具官齊遵等  
官之設所以毓材勸能也苟不當其選安以假吾所器  
而滯爾來者今命爾等爲左右龍武將軍所以昭勲庸  
之嗣而用其無瑕者也各旌勤瘁且振淹滯並升環衛  
之嚴俱委腹心之寄勉務進脩以圖光大

# 羽林中郎將一

原主羽林 掌宿衛

續漢書百官志云羽林中郎將比二千石主羽林郎無員掌宿衛侍

從

還宿殿陛 禦侮嚴除

續漢書百官志云羽林郎從游獵還宿殿陛嚴下室

中故號嚴郎或說爲嚴郎取其巖屬素整也 下詳羽林監一

# 羽林中郎將二

增呂羅漢破賊

冊府元龜曰呂羅漢爲羽林中郎上邽休官呂豐屠各王飛鹿等八千餘家據

險爲逆詔羅漢與司馬楚之駕前招慰降者九千餘戶比至肝胎頻破賊軍擒其將顧儼李觀之等以功遷羽林中郎幢將

長孫陳擊賊

冊府元龜曰長孫陳爲羽林中郎征和龍賊自西門出

加建威將軍

將入犯陳擊退之追斬至其城下以功賜爵五等男又從征涼州爲都督特領大官遷殿中給事中進號爲子

原材官自給鞍馬

漢羽林材官取三輔良家之子自給鞍馬

騎射絕於

等倫

詳羽林監二

謁者僕射一

原置七十人

秩四百石

漢書百官公卿表曰武帝太初元年置謁者僕射七十人

秩六百石

漢官儀曰謁者三十人秩四百石掌報章奏事及喪弔祭享

因言便宜

訪

以邊事

漢書曰張釋之字季時中郎將表茲知其賢請徙釋之補謁者釋之既朝畢因前言便宜事文

帝稱善拜釋之爲謁者僕射徙行上登虎圈問上林尉禽獸簿十餘問尉左右視不能對虎圈嗇夫徙旁代尉

口對響應無窮文帝詔釋之拜嗇夫爲上林令釋之前  
曰夫絳侯周勃東陽侯張相如稱爲長者此兩人言事  
曾不能出口豈效此嗇夫喋喋利口捷給哉且秦以任  
刀筆之吏天下土崩今陛下以嗇夫口辨而超遷之臣  
恐天下隨風而靡爭口辨無其實文帝曰善乃止詔釋  
之驂乘徐行續漢書曰耿秉字伯初拜謁者僕射每  
公卿會議常引秉  
上殿訪以邊事

### 耿秉上方略 季明有高才

又曰永平

中召耿秉詣省闈問前後所上便宜方略張顯片言  
曰謁者僕射季明清達有高才多識前代格言爲揚雄  
司馬之  
視河內失火求天下遺書

漢書曰汲黯爲  
謁者時河內失

火燒千餘家上使黯往視之還報曰家人失火屋此延

燒不足憂臣過河內貧人傷水旱萬餘家或父子相食

臣謹以便宜持節發河內倉粟以賑貧民請歸節伏矯  
制罪上賢而釋之又曰成帝河平三年謁者陳農使



使求遺書於天下按師古注曰言  
令陳農爲使而使之求遺書也

江充使匈奴終

軍行郡國

又曰江充拜謁者使匈奴始充自請使匈奴  
詔問其狀充對曰因變制宜以敵爲師事不

可預圖

又曰終軍字子雲爲謁者使行郡國建節東  
出關關吏識之曰此使者乃前棄繻生也軍行郡國所

見便宜以聞還  
奏事上甚悅

掌朝覲威儀  
領臺內禁令

晉百官  
表注曰

謁者僕射一人秦官掌朝覲威儀  
卿校以上官監祠請雨及喪葬弔祭高功者兼臺內禁

又曰詔謁者問充

主父偃所言九事  
宋叔平奏罷九卿

主父偃傳  
元光元年

西入關上書闕下朝奏暮召入見所言九事其八事爲  
律令一事諫伐匈奴尊立衛皇后及發燕王定國陰事  
偃有功焉大臣皆畏其口賂遺累千金謝承後漢書  
曰宋度字叔平除謁者以詔書賜降侯朝關門門開度

頓首讓胡掾賜畢奏罷大鴻臚京  
師稱曰宋叔平一史奏罷九卿

### 謁者僕射二

原古重武事

應劭漢官儀曰謁者僕射秦官也古重武事是故設主射以督之

堯之

尊官

漢官儀明帝詔曰謁者乃堯之尊官所以試舜賓於四門

持匕首劔

又曰昔燕太子

使荆軻劫始皇變起兩楹之間其後謁者持匕首刺腋高祖偃武行文故易之以板

冠高山冠

胡廣漢官儀曰秦滅齊以其君冠賜近臣今謁者僕射所冠高山冠是也

出則奉引

續漢書百

官志曰謁者僕射爲天子出則奉引也

朝則賓贊

晉百官表注曰謁者十人掌捧詔書朝會

則賓贊

大聲者補之

漢官舊儀曰謁者缺選郎中美容鬚眉大聲者以補之

威容

者爲之

晉百官表注曰漢皆用孝廉年五十威容嚴恪能懷贊者爲之

因流水爲排

魏志曰韓暨爲謁者舊時治作馬排每一熟石用馬百匹更作人排又費功力暨乃因長流爲水排年計其利

益三倍於前在職七年器用充實

上直持赤幘

益部耆舊傳曰何汝字景伯爲謁者上直

令持赤幘百僚不解至脯日果食也

次倩魁岸武帝異之

漢書曰江充字次倩爲人

魁岸容貌甚壯帝望見異之謂左右曰燕趙固多奇士既至前問以當世政事上悅之遂拜爲謁者

孟

孫瓌瑋和帝偉之

華嶠漢書曰何熙字孟孫身長八尺五寸體貌瓌瑋與人絕異和帝時拜

謁者爲威容贊拜殿中音動左右帝偉之

御定淵鑑類函卷一百五

謹案卷一百四第一頁後三行种嵩字景伯刊本  
种訛李景伯訛伯景據後漢書改

第二頁前六行少襲父為牙門將刊本脫將字據  
通典增

第二頁後二行魏武以樂進居之刊本進訛安據  
宋書改

第十四頁前七行臧宮為輔威將軍刊本輔威訛  
威武據後漢書改

第十五頁後八行舒監浙江東郡軍事按晉書東  
下當有五字

第三十頁前八行垂拱二年刊本誤作拱垂三年  
據通典改

第三十五頁後四行皆擊戰鉦按唐書兵志無戰  
字

第三十九頁前七行好酒食飲噉蕪人刊本誤置  
飲字于酒字之上據三國志改

謹案卷一百四第二十七頁後七行塔喇魯舊作  
塔刺魯今改後倣此

卷一百五第二十七頁後七行克特汗舊作可突  
汗今改後倣此






第三十九頁後二行後代張紆為護羌校尉刊本  
紆訛行據後漢書改

卷一百五第二頁後七行凡諸軍班直功賞按通  
考班下無直字

第九頁前八行麟遊奉天諸屯兵刊本諸訛請據  
唐書改

第十一頁後四行武帝太初元年刊本初訛和據  
漢書百官表改





總校官庶吉士 臣 張能照

校對官檢討 臣 王福清

謄錄貢生 臣 于飛熊